

十林一葉

十九
五代史

宋史一記志




					和書門
			二六一五	一號	類
		六九	函		
	九	架			
二五	册				

庫	文	閣	內	
八五		二六一五	一號	和書
函		二五	册	類
一	架			

內閣文庫	
番號	和 26151
冊數	25 (19)
函號	185 1





千林一葉十九

五代史

歐陽脩撰

徐無黨注

弘文院學士纂

梁本紀第一

太祖

諸鎮註記當時詔也唐

謂節度使所治軍州為藩鎮故有赴鎮移鎮之

詔謝贖說温曰黃家起於草莽幸唐衰亂直

役其隙而取之爾非有功德興王之業也此豈

足與共成事哉今天子在蜀諸鎮之兵日集以

謀興復是唐德未厭於人也且將軍力戰于外

而庸人剗之於內地章耶所以背秦而歸楚也

天子賜温名全忠自董集死秦宗權稱帝

淺草文庫

梁本紀第二 汴州為開封府，建為東都。
大赦，註不曰天下實有所不及也。同州野坊
蟲生。

梁本紀第三 末帝，太祖第三子，友貞也。

唐本紀第四 其先本號朱邪，蓋出於西突厥。
至其後世，別自號曰沙陀，以朱邪為姓。朱邪

赤心，賜姓名曰李國昌。國昌子克用，尤善騎

射，能仰中雙鳥。黃巢京師平，克用功第一。

克用少驍勇，軍中號曰李鵝兒，其一目眇，及其
貴也，又號獨眼龍。

唐本紀第五 存勳，克用長子也。滅梁。

唐本紀第六 明宗，世本夷狄，無姓氏，父電

為鴈門部將，生子邈，倭烈，以騎射事太祖，為人

質厚寡言，執事恭謹。太祖養以為子，賜名嗣源。

梁龍驤軍以赤白馬為兩陣，旗幟鎧仗皆如馬

色。莊宗後至，見嗣源，以千騎先至汴州，攻封

牛門，主纘關。莊宗後至，見嗣源，大喜，手攬其

衣，以頭觸之曰：天下與爾共之。陝州硤石縣

民高存妻一產三男子，治世少而亂世多，三

代之王有天下者，皆數百年，其可道者數君而

已况於後世邪况於五代邪。廣壽殿火災有司理之請加丹雘喟然嘆曰天以火戒我豈宜增以侈邪。為嘗旱已而雪暴坐庭中詔武德司宮中無得掃雪曰此天所以賜我也。康澄上疏言時事其言曰為國家者有不足懼者五深可畏者六三辰失行不足懼天象變見不足懼小人訛言不足懼山崩川竭不足懼水旱蟲蝗不足懼也賢士蔽匿深可畏四民遷業深可畏上下相徇深可畏廉耻道消深可畏毀譽亂真深可畏直言不聞深可畏也。

唐本紀第七 聖皇恭明宗第五子從厚也

廢帝 姓王氏其世微賤母魏氏少寡明宗為騎將過平山掠得之魏氏有子阿土已十餘歲明宗養以為子名曰從珂。明者慮於未萌而前知暗者告以將及而不懼故先事而言雖忠而不信事至而悔其可及乎。

晉本紀第八 高祖 敬瑭其姓厚氏不知其得姓之始。明宗愛之妻以女由是常隸明宗帳下號左射軍莊宗已得魏梁將劉鄩急攻清平莊宗馳救之兵未及陣為鄩所掩敬瑭以十

餘騎橫槊馳擊取之以旋莊宗拊其背而壯之
手唱以酥唱酥夷狄所重由是名動軍中

晉本紀第九 出帝父敬備高祖兄也 高祖

以其子車貴為子高祖六子五皆早死而重睿

幼故車貴得立 高祖使博士王震教以禮記

久之不能通大義謂震曰此非我家事也

漢本紀第十 高祖姓劉氏始知遠與晉高

祖俱事明宗為偏將明宗及梁人戰德勝晉高

祖為甲斷○隱皇帝高祖第二子恭祐也

周本紀第十一 太祖姓郭氏名威 威嘗游

于市市有屠者常以勇服其市人威醉呼屠者

使進几割肉割不如法叱之屠者披其腹示之

曰爾勇者能殺我乎威即前取刀刺殺之一市

皆驚 高祖疾大漸以隱帝託威

周本紀第十二 世宗本姓柴氏柴氏女適太

祖后兄粦禮子榮太祖遂以為子○恭皇帝世

宗第四子宗訓也 顯德六年世宗崩即位柩

前七年春正月遜于位 註遜順也能順乎天

命也 宋興 贊曰世宗區區五六年間取秦

隴平淮在復三關威武之聲震懾夷夏 廢天

下佛寺三千三百三十六。毀天下銅佛像以
鑄錢。嘗曰。吾聞佛說以身世為妾而以利人為
急。使其身尚在苟利於世。猶欲割截。况此銅像
豈有所惜哉。

梁家人傳一 梁之無敵于天下。可謂虎狼之
彊矣。及其敗也。困於一二女子之娛。至於洞胸
流腸。到若羊豕。禍生父子之間。乃知女色之能
敗人矣。朱三爾礪山一百姓遭逢天子用汝
為四鎮節度使。於汝何負而滅唐家三百年社
稷。吾將見汝赤其族矣。

唐太祖家人傳二 太祖正室劉氏常從征伐
為人明敏多智略。頗習兵機。常教其侍妾騎射
以佐太祖。○莊宗皇后劉氏 四方貢獻必分
為二。一以上天子。一以入中宮。宮中貨賄山積。
惟寫佛書饋賂僧尼。僧誠惠自言能降龍。吾
有毒龍五百。當遣一龍揭片石常山之人魚鱉
也。兄亡弟及古之道也。以叔拜姪。理豈安乎。
人生富貴當自取之云云。○莊宗五子長曰繼
安。封魏王。是歲伐蜀。以繼安為西南面行營都
統。郭崇韜為都招討使。云云。蜀王衍請降。自出

師至降，衍凡七十五日，兵不血刃。自古用兵之
鼎，未有如此。然繼發雖為都統，而軍政規令一
出，崇勳。

唐明宗家人傳三 淑妃王氏，邠州新家子也。
有美色，號花見羞。○嗚呼！無父為生，無君為以
為生，而世之言曰：為忠孝者，不兩全。夫豈然哉？
君又人倫之大本，忠孝臣子之大節，豈其不相
為用，而又相害者乎？抑私與義而已耳。○秦王
從崇 明宗曰：經有君臣父子之道，豈須碩儒
端士，乃可親之？吾見先帝好作歌詩，甚無謂。

也。汝將家子，文章非素習，必不能工，傳於人口
徒取笑也。吾老矣，於經義雖不能曉，然尚喜屢
聞之，其餘不足學也。

唐廢帝家人傳四 唐一號而三姓，周一號而
二姓，唐太祖、莊宗為一家，明宗、愍帝為一家，廢
帝為一家，周太祖為一家，世宗為一家。

晉家人傳五 子者，未有不由父母而生者也。
故為人後者，必有所生之父，有所後之父，此理
之自然也。為人後者，所承重，故加其服，以斬而
不絕，其所生之親者，天性之不可絕也。然而恩

有屈於義故降其服以秦

漢家人傳六 蔡王信高相之從弟也 好行

殺戮軍士有犯法者信召其妻子對之剗剔支解使自食其肉血流盈前信命樂飲酒自如也

○周太祖家人傳七 ○周世宗家人傳八 周

太祖后柴氏無子養后兄守禮之子以為子曼為世宗 守禮居于洛陽終世宗之世未嘗至

京師而左右亦莫敢言第以元舅禮之而守禮亦頗恣橫嘗殺人于市有司以聞世宗不問

梁臣傳九 孟子謂春秋無義戰予亦以謂五

代無全臣無者非無一人蓋僅有之耳 其仕

不及于二代者各以其國繫之作梁唐晉漢周

臣傳其餘仕非一代不可以國繫之者作雜傳

夫入于雜誠君子之所羞 ○敘翔 太祖問曰

聞子讀春秋春秋所記何等事翔曰諸侯戰爭

之事耳太祖曰其用兵之法可以為吾用乎翔

曰兵者應變出奇以取勝春秋古法不可用於

今 從太祖用兵三十餘年細大之務必關之

翔亦盡心勤勞晝夜不寐自言惟馬上乃得休

息 ○龐師古 為人謹甚未嘗離左右及為將

出兵必受方略以行軍中非太祖命不妄動○
葛從周 太祖墜馬從周扶太祖復騎與敵步
鬪傷面身被數瘡偏將張延壽從旁擊之從周
得與太祖俱去太祖盡黜諸將獨用從周延壽
為大將○霍存 閱騎兵於繁臺顧諸將曰使
霍存在豈勞吾親閱邪○寇彥卿 身長八尺
陰隲方面語音如鐘工騎射好書史善伺太祖
意動作皆如旨太祖嘗曰敵劉捍寇彥卿皆
天為我生之其愛之如此賜以所乘馬一丈烏
云云 太祖遇弒彥卿出太祖畫像事之如生嘗

對客語先朝必涕泗交下

梁臣傳十

康懷英

梁兵攻李茂貞于岐以

懷英為先鋒至武功擊殺岐兵萬餘人太祖喜

曰邑名武功真武功也○對郭

一降將蒙梁恩

不誅幸矣敢乘馬而衣裘乎乃素服乘驢歸梁

太祖賜之冠帶飲之以酒郭辭以量小太祖曰

取充州量何大乎是時太祖已領四鎮四鎮將

吏皆功臣舊人郭一旦以降將居其上及諸將

見郭皆用軍禮郭居自如結草為人執以旗

幟以驢負之

郭兄琪之子遂清

為母執轡

行數十里，州人咸以為榮。○牛存節 梁晉相距于河上，存節病瘠而梁晉方苦戰，存節忠憤彌激，治軍督士，未嘗言病，病革召歸京師，將卒語其子知素曰：忠孝，吾子也，不及其他。○張弼 霸 張弼軍赤岡，以騎兵挑戰，矢中歸霸，歸霸拔之，反以射賊，一發而斃，奪其馬而歸。

梁臣傳十一 楊師孛 ○王景仁 太祖歎曰：使吾得此人為將，天下不足平也。○賀瓌 ○王檀 ○王虔裕 ○謝彥章 幼事葛從周，憐其敏慧，養以為子，授之兵法，從周以千錢置大盤中。

為行陣偏伍之狀，示以出入進退之節。彥章盡得之。賀瓌善用步卒，而彥章與並，審澄、侯溫、裕皆善將騎兵，審澄、溫、裕所得不過三千，彥章多而益辦。好禮儒士，雖居軍中，常儒服。

唐臣傳十二 郭崇韜 司天言歲不利用兵，崇韜曰：古者命將鑿出門而出，况成算已決，區區常談，何足信也。莊宗與諸將以兵取天下，而崇韜未嘗居戰陣，徒以謀議居佐命第一之功，位愈將相，遂以天下為己任，遇事無所回避。 莊宗乃使

偃語曰：騎虎者勢不得下。 莊宗乃使

人問崇韜曰昔吾與梁對壘於河上雖祁寒盛暑被甲跨馬不以為勞今居深宮蔭廣廈不勝其熱何也崇韜對曰陛下昔以天下為心今以一身為意艱難逸豫為慮不同其勢自然也願陛下無忘創業之難常如河上則可使繁暑坐變清涼以其姓郭因以為子儀之後○安重誨事明宗以佐命功臣處機密之任事無大小皆所參決其勢傾動天下雖其盡忠勞力時有補益而恃功矜寵威福自出四方騷動師旅並興如投膏止火適足速之

唐臣傳十三 周德威 勇而多智能望塵以知敵數 事晉王為騎將 小字陽五當梁晉之際周陽五之勇聞天下 梁有驍將陳章者 號陳野叉常乘白馬被朱甲以自異出入陣中 求周陽五欲必生致之云云德威微服雜卒伍中陳章出挑戰兵始交德威部下見白馬朱甲者因退走章果奮稍急追之德威伺章已過揮鐵錐擊之中章墮馬遂生擒之 王景仁以十餘騎僅而免自梁與晉爭凡數十戰其大敗未嘗如此○符存審 臨終戒其子曰吾少提一

斂去鄉里四十年間取將相然後履鋒冒刃出
死入生而得至此也固出其平生身所中矢鏃
百餘而示之曰爾其勉哉○史建瑭梁兵數
為建瑭所殺相戒常避史先鋒○王建及重
鎧執稍呼曰梁吾一水間耳何必巧為吾今破
之矣即以大纓積薪自上流縱火焚梁戰艦○
元行欽明宗嘗行欽相拒廣邊軍凡八戰明
宗七射中行欽行欽拔矢而戰亦射明宗中股
行欽屢敗乃降○嗚呼死之所以可貴者以其
義不苟生爾故曰主在與在主亡與亡者社稷

之臣也○安金全○袁建豐○西方鄰

唐臣傳十四符習烏震張文禮執震母

妻及子十餘人以招震震不顧文禮乃皆斬其
手鼻割而不殊後至習軍軍中皆不忍正視震
一慟而止憤激自勵自先士卒云云○李徽

唐滅梁如拉朽物歸中國謂之入草

唐臣傳十五劉廷明太白山神魏崔浩也

其言吉凶無不中陽為羸疾灸灼滿身作
舍道邊三年不成國家之事斷在陛下且敬瑄
徙亦反不徙亦反遲速爾不如先事圖之朝

廷無大將之職而奉天下內外之兵皆屬侍衛
司矣則為都指揮使者其權豈不益重哉親軍
之號始於明宗其後又有殿前都指揮使亦親
軍也皆不見其更置之始今天下之兵皆屬
此兩司矣

唐臣傳十六

盧華

盧程

戴華陽巾衣

鶴髦據儿決幸○作園

以子先人固難容貸

然罰不及嗣子可從輕○趙鳳

僧遊西域得

佛牙以獻明宗以示大臣鳳言世傳佛牙水火
不能傷請驗其真偽因以斧斫之應手而碎

殺所以尊嚴宏壯者棟梁柱石之所扶持也若
折其一棟去其一柱則傾危矣大臣國之棟梁
柱石也○李襲吉 晉王歎因欲與梁通和使
襲吉為書論梁諱甚辨惡梁太祖使人讀之至
於毒手尊拳交相於暮夜金戈鐵馬蹂踐於明
時歎曰李公僻處一隅有士如此使吾得之傳
虎以翼也○劉贇 父玘為縣令贇始就學衣
以青布衫襦每食則玘自肉食而別以蔬食食
贇于林下謂之曰肉食君之祿也爾欲之則勤
學問以于祿吾肉非爾之食也

晉臣傳十七 季維翰 身短而面長常臨鑑
以自竒曰七尺之身不如一尺之面 鑄鐵硯
以示人曰硯弊則改而它仕 景延廣 父建
善射嘗放延廣曰射不入鐵不如不發 禍福
成敗之理未有如晉氏之剛驍也其始以契丹
而興終為契丹所滅云云 晉氏之事維翰成之
延廣壞之 〇 吳璠 善撫士卒會天大寒裂其
帷幄以衣士卒為愛之
漢臣傳十八 蘇逢吉 已貴益為豪俊謂中
書堂食為不可食乃奔家厨進羞日極珍善

史弘肇 為人踰勇走及奔馬 安朝廷禍亂
直須長槍大劍若毛錐子 安是用奇三司使王
章曰無毛錐子軍賊何從集于毛錐子蓋言筆
也 〇 楊邠 〇 王章 〇 劉錫 〇 李業 官中教見
怪物拔瓦石撼門扉 〇 聶文進 臣在此百郭
威何害 〇 後贊 〇 郭允明
周臣傳十九 王朴 獻平邊策 世宗征淮
朴留京師廣新城通路壯偉宏闊今京師之
制多其所規為其所作樂至今用之不可變其
陳用兵之畧作特一時之策至言諸國興賦次

第云淮南可最先取并必死之寇最後亡其後
宋興平定四方惟并獨後服皆如朴言

鄭仁諒

扈載

為文章以辭多自喜常次歷

代有同廢興治亂之迹為運源賦甚詳 王朴
尤重其才薦於宰相李穀久而不用朴以問穀
曰扈載不為舍人何也穀曰非不知其才然載
命薄恐不能勝朴曰公為宰相以進賢退不肖
為職何言奪邪已而召拜知制誥及為學士居
歲中病卒年三十六 議者以穀能知人而朴能
薦士 嗚呼作器者無良材而有良匠治國者

無能臣而有能君蓋材待匠而匠待君而用
故曰治國譬之於奕知其用而置得其處者勝
不知其用而置非其處者敗敗者臨碁注曰終
日而勞心使善奕者視焉為之易置其處則勝
矣勝者所用敗者之基也興國所用亡國之臣
也王朴之才誠可謂能矣不過世宗何所施於
死節傳二十 王彥章 老人驍勇有力能洗
足履棘行百步持一鐵鎗騎而馳突奮疾如飛
而他人莫能舉也軍中號王鐵鎗 彥章其人
不知書常為俚語謂人曰豹死留皮人死留名

其於忠義蓋天性也。裴約一州易得，約難得也。○劉仁瞻未巨竹數十萬竿，上施版屋，號為竹籠，載甲士以攻之。
死事傳二十一 夏魯奇力戰手殺百餘人，身被二十餘創。○王恩同大小數百戰，甲不解，金創滿身。○張敬遠革鞭木鞭人馬，皆不甲冑。○孫晟唐詩人，嘗畫像置于屋壁，晨夕事之。○有人口吃，遇人不能道，寤，已而坐定，談辯鋒生，聽者忘倦。
一行傳二十二 鄭遨字雲叟，華山有五粒。

松脂滿地，千歲化為藥云云。道也者，妙萬物而為言，得其極者，尸居衽席之間，可以治天地也。

唐六臣傳二十三 張文蔚 楊涉 張策

趙光逢 薛貽矩 蘇循 晝日筆三十管

義兒傳二十四 唐自沙陀起，代北其所與俱者，一時雄傑，戲武之士，往往養以為兒，號義兒。

軍。○李嗣昭為人短小，而膽勇過人，初喜嗜酒，太祖嘗徵戒之，遂終身不飲。○為賊射中脛。

嗣昭顧腹中矢，畫括矢于脛，射殺一人，還營而

卒。○存者。猿臂善射，身被重鎧，彘弓坐稍，手舞鐵槌，出入陣中。晉王之將終也，以三矢賜莊，宗而告之曰：「梁吾仇也，燕王吾所立，契丹與吾約為兄弟，而皆背晉以歸梁，此三者吾遺恨也。與爾三矢，爾其無忘乃父之志。」方其盛也，舉天下之豪傑莫能與之爭及其衰也，數十伶人困之，而自死，國滅為天下笑。○莊宗既好俳優，又知音能度曲，至今汾晉之俗，往往能歌其聲，謂之御製者，皆是也。諸伶獨敬新磨尤善俳。

其誌最著而不聞其他，過惡其敗政，亂國者有。景進史彥瓊、郭門高三人為最。官者傳二十六。自古宦者之禍深矣，明者未形而知懼，暗者患及而猶安焉。○張永業。晉王病且革，以莊宗屬永業，曰：「吾子累公等，莊宗常兄事永業。」臣唐家一老奴耳，誠願見大王之成功，然後退身田里。○張居翰。求已覆之車，躬嘗而履其轍也。

雜傳二十七 王鏐 羅紹威 王處直 鄧守光 令燕人用墻土為錢，悉斂銅錢鑿山。

而齋之已而殺其工以減口後人皆莫知其始
雜傳二十八 李茂貞 城中薪食俱盡自冬
涉春雨雪不止民凍餓死者日以千數米斗直
錢七千至燒人屎食尸而食父自食其子人有
爭其肉者曰此吾子也汝安得而食之人肉所
直錢百狗肉斤直錢五百父其食其子而人肉
賤於狗○韓建 天子喫宮人眼○李仁福
○韓建 揚崇本 高萬興 溫韞 唐諸陵
在其境內者悉斃掘之取其所藏金室而昭陵
最固掘後地道下見宮室制度嚴嚴不異人間

中者正寢東西廂列石牀牀上石函中者鉄匣
悉藏前世圖書鍾王筆迹終墨如新蕭悉取之
送傳人間

雜傳二十九 盧光相 譚全播 雷滿 趙匡
疑

雜傳三十 朱宣 宣朱瑾 瑾名重江淮人
畏之其死也尸之廣陵北門路人私去瘞之是
時民多病瘡皆取其墓上土以水服之云病輒
愈吏益新土漸成高墳○李罕之 為人驍勇
力兼數人少學讀書不成去為僧以其無賴所

往皆不容乃行乞食酸棗市中市中人皆不與
罕之擲黑干地裂其衣又去為盜鷹鳥之性
飽則颺矣○孟方立○王珂○趙舉幼與群
兒戲道中部分行伍指顧如將帥雖諸大兒皆
聽其節度男子當於死中求生其子巖尚
梁太祖女○夫為善而受福為惡而受
福為得福惟君子之罹非禍者未必不為福小
人之求非福者未嘗不及福此自然之理也○
馮行襲嚴酷少恩而所至輒天幸境旱有蝗
則飛鳥食之歲山中鹵穀自生

雜傳三十一 氏叔琮 破太原非氏老不可
已而岳大疫叔琮班師令曰病不能行者焚之
病者懼皆言無恙○李彥威 梁太祖憐之養
以為子冒姓朱氏召友恭 彥威氏叔琮以能
武兵宿禁中夜二鼓以兵百人叩宮門奏事夫
人裴正一開門問曰奏事安得以兵入龍武牙
官史本殺之趨椒蘭殿問昭宗所在昭宗方醉
起走本持劍逐之昭宗單衣旋柱而走本劍及
之昭宗崩訃至河中太祖陽為警駭投地號哭
罵曰奴輩負我伴我被惡名於後世邪太祖至

流彥威叔瓌嶺南使張延範殺之彥威臨刑大呼曰賣我以滅口其如神理何○李振一至京師朝廷必有貶降時人目振為鴟梟太祖之殺非害也遣振至京師與步友恭氏叔瓌謀之昭宗崩太祖問振所以待友恭等宜如何振曰昔晉司馬氏殺魏后而誅成濟不然何以塞天下口太祖乃歸罪友恭等而殺之唐公卿及裴樞等七人賜死白馬驛振謂太祖曰此輩嘗自言清流可投之河使為濁流也○孫德昭劉李述祭昭宗函之東宮宰相崔胤謀反正陰

使人求義士可共成事者德昭乃與孫承誨董從實應胤胤裂衣襟為書以盟

雜傳三十二 劉知俊 姿貌雄傑能被甲上馬輪劔入敵勇出諸將 知俊為人色黑而其

生歲在丑王建之諸子皆以宗承為名乃於里巷構為謠言曰黑牛出圈撥繩斬建益惡之遂

見殺○丁會○賀德倫○陶寶○次勝料勢况戰料情勢既得斷在不疑○康延孝 朝兵

雜衆分則無餘片請待其既分以鐵騎五千自鄆趨汴出其不意搗其空虛不旬日天下定矣

○冒白及犯陰沮以定兩川南平梁西取蜀
其謀畫出於郭公而汗馬之勞攻城破敵者我
也今郭公已死我豈得存

雜傳三十三 張全義 梁太祖兵敗循縣道

病還沿幸全義會節園避暑留旬日全義妻女
皆迫淫之其子純祚憤耻不自勝欲刺乃太祖
全義止之曰云云○弟友諒○表象先 莊宗

待之甚厚賜姓名李紹安改宣武軍為歸德
軍日歸德之名為卿設也○弟漢賓 郟州朱
瑾券其軍中驍勇者雙雁于其頰號雁子都

太祖聞之乃更選勇士數百人籍落雁都以漢

賓為指揮使及漢賓貴人猶以為弟落雁○版

嶽 梁與王彥章各自上其功 嚴等從中匿彥

章功狀悉歸其功於嚴 嚴因納金嚴等求代彥

章○周知裕 淮俗惡病者父母有疾置之陀

屋以竹竿繫飲食毒之至死不近知裕淫患之

加以教道由是稍革○陸思鐸 梁晉相距河

上思鐸鑄其姓名於箭箬以射晉軍而矢中莊

宗馬鞍莊宗拔矢見思鐸姓名奇之其後滅梁

思鐸始見莊宗出其矢以示之思鐸伏地請死

莊宗尉而赴之

雜傳三十四 趙在禮 貝州軍士皇甫暉作

亂推其將楊仁晟為首仁晟不從殺之又推一

小校小校不從又殺之乃携二首詣在禮在禮

聞亂衣不及帶方踰垣而走暉曳其足而下之

環以白刃示之二首曰不從我者如此首在禮

從之遂反○霍彥威 明宗即位彥威遣使者

馳騎獻兩箭為賀明宗賜兩箭以報之夷狄之

法起兵令眾以傳箭為誓令然非下得施於上

也明宗本出夷狄而彥威武人君臣皆不知禮

勤多此類

雜傳三十五 華溫琪 狀貌魁偉懼不自容

乃投白馬河流數十里不死河上人援而出之

又自絀于桑林桑輒枝折乃之昨縣有田父見

之曰子狀貌堂々非常人也乃匿于家○裴從

簡 莊宗登高立望見之歎曰彼猛士誰能為

我取之者從簡因前若往莊宗惜之不許從簡

潛率數騎馳入梁軍奪其旗而還 從簡嘗中

流矢鏃入解骨命工取之工無良藥欲鑿其骨

人皆以為不可從簡遽使鑿之工遲疑不忍下

從簡叱其丞鑿石右視者皆若不勝其毒而從
簡言笑自若○皇甫暹 今日之勢戰與走爾
戰尚或生走則死也等死死戰猶足以報國
雜傳三十六 盧文進○李金全 賈仁治者
事于晏球晏球攻王都於中山都遣善射者登
城射晏球中兜牟仁治從後引弓射善射者一
斃而斃晏球求其人欲厚賞之仁治退而不言
此天下之忠臣也都敗晏球遣仁治獻捷于京
師凡所賜與甚厚悉以分故人親戚之貧者此
天下之廉士也

雜傳三十七 翟光鄴○沈默多謀事絕母以
孝聞雖貴不營財產常假官舍以居兼此僅蔽
風雨雍睦親族麤衣糲食與均有無而光鄴處
之晏也○皇甫暉 擁甲士數百騎大掠城中
至一民家問其姓曰姓國暉曰吾當破國遂盡
殺之又至一家問其姓曰姓黃暉曰吾殺黃家
足矣又盡殺之及明宗入魏遂與趙在禮合謀
蘇策之禍自暉始○平進 軍中有變遣進馳
奏京師明宗恠其來遂嘉其足力
雜傳三十八 王峻 周太祖俱起于魏自謂

佐命之功以天下為己任凡所論請事無大小
期於必得或小不如志言色輒不遜太祖每優
容之峻年長於太祖二歲往呼峻為元或稱
其字峻由是益橫○平殷事毋以孝聞故與
人游必先白母母所不可者未嘗敢往及奉刺
史政事有小失母責之殷即取杖授婢僕自笞
於母前○劉詞暇日常被甲枕戈而卧語人
曰我以此取富貴豈可一日輒忘之且人情易
習若一墮其筋力有事何以報國

雜傳三十九

宋守殷

告明宗曰位高人臣

者身危功蓋天下者不賞公可謂位高而功著
矣宜自圖歸藩無與禍舍也○董璋戍兵東
歸者皆遮留之獲其逃者覆以鐵籠火炙之或
剖肉釘面割心而啖○范廷光為蜀兵所得
送京師下廷光微榜掠數百脅以白刃廷光終
不肯言晉事繫之數月稍厚獄吏所護莊宗入
汴獄吏去其桎梏拜而出之明宗問廷光馬
數幾何對曰騎軍三萬五千明宗撫髯歎曰吾
居兵間四十年自太祖在太原時馬數不過七
千莊宗取河北與梁家戰河上馬絕萬匹今有

馬三萬五千匹而不能一天下兵老矣馬多奈何
廷光因曰臣嘗計一馬之費可養步卒一人
三萬匹馬十五萬兵之食也明宗肥戰馬而瘠
吾人此吾所媿也廷光及時有李彥珣者
楊光遠知彥珣邢州人也其母尚在乃遣人之
邢州取其母至城下示彥珣以招之彥珣望見
自射殺之民之無知習見善則安於為善習
見惡則安於為惡○安重榮起於軍卒
暴至富貴而見唐廢帝晉高祖皆自藩侯得國
嘗謂人曰天子寧有種邪兵強馬壯者為之爾

從

雖懷異志而未有以發也重榮既僭侈以為
金銀袋不足貴刻玉為魚佩之饒陽令劉巖
獻水鳥五色重榮曰此鳳也畜之後漳又使人
為大鐵鞭以獻誑其民曰鞭有神指人人輒死
弄鐵鞭即君○安重進為空名宜勅十數通
云云○楊光遠

雜傳四十杜重威
詔契丹請降契丹大悅
許以中國與重威為帝重威信以為然○李守
貞賊平行賞守貞悉以甄柔深木給之軍中
大怒以帛裹之守人看帛於木間曰守貞首也

云云守自重威為將皆無節制行營所至居民
秦圍一空至死不降本營盡其始秦軍也有賜賚
曰掛甲錢及班師又加賞勞曰却甲錢出入之
賞常不下三十万由此晉之公私重困○張彥
深重威守自重威降魏丹彥深亦降耶律德光
祀闕遣彥深與傳佐兒以二千騎先入秦師之
云○開虜之際自一景延廣而卒成晉禍者此
三人也三人者重威
辛貞彥深也
雜傳四十一 王景崇○趙思紹○慕容彥超
漢高祖同產弟也嘗冒姓閻氏彥超里色胡髯

辨閻崑崙 崔周度曰魯詩書之國也自伯禽
以來未有能霸者然以禮義守之而長世者多
矣今公英武一代之豪傑也若量力相時而勤
可以保寧貴而終身 在鎮常置庫質錢有奸
民為偽銀以質者
雜傳四十二 馮道 退耕于野躬自負薪有
荒其田不耕者與力不能耕者道夜往潛為之
耕其人後來媿謝 耶律德光嘗問道曰天下
百姓如何救得道為俳語以對曰此世佛出救
不得惟皇帝救得人皆以謂契丹不虜滅中國

之人者賴道一言之善也。通方自號長樂老
著書數百言。陳已更事四姓。及契丹所得。潛勤
官爵。以為榮。自稱孝於家。忠於國。為子為弟。為
人臣。為司長。為大夫。為父。有子。有孫。時開一卷。時
飲一杯。食味別色。被色。老安於當代。老而自樂。
何樂加之。蓋其自述如此。道前事九君。未嘗諱
諱。○李琪。○鄭珪。○李愚。廢帝。稱愚等無所
事。常目宰相曰。此粥飯僧爾。以智飽食。終日而
所用心也。○盧導。○司空題。
雜傳四十三。 劉昫。 端明殿學士拜相。當時

以此為榮。 監修國史。○盧文紀。○馬胤孫。○
姚顛。宰相馮道。世本田家。狀貌質野。朝士多
笑其陋。道旦入朝。兵部侍郎任贊與岳在其後。
道行數反。顧贊問岳道。交顧何為。岳曰。遺下免
國冊。爾免國冊者。鄉校。俚儒。教田夫牧子之所
誦也。初。鄭餘慶嘗採唐士廢古。凶書疏之。式
雜以當時家人之禮。為書儀兩卷。明宗見其有
起復。冥昏之制。歎曰。儒者所以隆孝悌。而敦風
俗。且無金革之事。起復可乎。婚吉禮也。用於死
者可乎。乃詔。岳選文學。通知古今之士。共刪定。

之○身編○崔君侯○崔稅○李暉
雜傳四十四 和凝 好飾車服為文章以多
為富有集百餘卷嘗自鏤板以行于世識者多
非之○趙瑩○馮玉○盧質○呂琦○薛融○
何澤 外雜直言而實邪佞嘗於內殿起居班
退獨留以笏叩額壯望而呼曰明主明主聞者
皆哂之五代之際民苦於兵徃、因親疾以割
股或既喪而割乳廬墓以規免刑縣賦役○王
樞○史圭○龍敏 世本白雲山 雜傳四十五
李崧 自古豈有不死之人然

亦豈有不亡之國乎○李鐸○賈緯○段希堯
○張允○王松○裴皞 裴氏自晉魏以來世
為名族居燕者號東眷居涼者號西眷居河東
者號中眷 皞以文學在朝廷久宰相馬胤孫
桑維翰皆皞禮部所放進士也後胤孫知奉放
榜引新進士詣皞皞喜作詩曰門生門下見門
生世傳以為榮維翰已作相嘗過皞皞不迎不
送人或問之皞曰我見桑公於中書庶察也桑
公見我於私第門生也何送迎之有人亦以為
常○王仁裕 喜為詩其少也嘗夢剖其腸胃

以西江水滌之顧見江中沙石皆為篆籀之文
由是文思益進乃集其平生所作詩萬餘首為
百卷歸西江集○裴羽○王廷越人善泗生
子方醉其世浮之水上人性而閑之則曰其父
善泗子必能之若是可乎廷退而笑曰盧公之
言為崔愷也恨其父遂及于子邪○馬重績○
趙廷義

司天考第一 自堯命羲和見於書中星閏餘
略存其大法而三代中間千有餘歲遺文曠廢
六經無所述而孔子之徒亦未嘗道也至後世

其學一出於陰陽之家其事則重其學則亦夫
天人之際遠哉微矣 自漢而後其說始詳見
於世其際流所自止於如此是果堯舜三代之
法歟皆不可得而考矣

司天考第二 聖人不絕天於人亦不以天參
人絕天於人則天適廢以天參人則人事惑故
常存而不究也

職方考第三 至於周末閩已先亡而在者七
國自江以下二十一州為南唐自劔以南及山
南西道四十六州為蜀自湖南北十州為楚自

浙東西十三州為吳越自嶺南北四十七州為南漢自太原以北十州為東漢而荆歸峽三州為南平合中國所有二百六十八州

今按惣合四百十八州

吳世家第一 揚行密 為人長大有力能手 拳百斤 吳之軍中推朱瑾善槊朱志誠善射 皆為第一 而仁義常以射自負曰志誠之弓十 不當瑾槊之一 瑾槊之十不當仁義弓之一 〇 謹行密長子也 〇 隆漢行密第二子也 〇 清行 卷第四子也 〇 清揚林江使中出火可以燃 〇

徐溫 行密所與起事劉威陶雅之徒踞三十 六英雄備溫未嘗有戰功 及行密病平生舊 將皆以戡守在外而溫居帳下遂預立溫之功 云云行密起於盜賊其下皆斃武雄暴 故二 世四主垂五十年及溫已下政在徐溫

南唐世家第二 李昇字正倫徐州人也世本 微賤父榮遇唐末之亂不知所終昇少孤流 寓陵泗間揚行密攻濠州得之奇其狀貌養以 為子而楊氏諸子不能容行密以乞徐溫乃冒 姓徐氏名知誥 昇素好邵王昇昭鑑見白鬚

餽其吏用宗嘆曰功業已就而吾老矣奈何宗
知其意馳詣廣陵見宗所止謀禳代尋自言
唐憲宗子建王恪生超超生志存徐州判司志
生榮乃自以為建王四世孫改國號曰唐州
縣言民存悽五代同居者七家皆表門閭後其
繇役其尤盛者江州隸氏宗族七百口每食設
麩席長幼以次坐而共食尋志在乎吳魯地
而已無復經營之略也然吳人亦賴以休息○
子景施利刃於拒馬維以鐵索又刻木為獸
號捷馬牌以皮囊布鐵簇藜于地○煜景第六

子也善屬文工書畫而豐額駢齒一目重瞳
子韓暉載北海將軍子也初與李穀相善明
宗時暉載南奔吳穀送至正陽酒酣臨訣暉載
謂穀曰江左用兵為相當長驅以定中原穀曰
中國用兵為相取江南如探囊中物爾乃周師
之征淮也命穀為將以取淮南而暉載不能有所為也
太祖皇帝遣使召煜赴闕煜稱疾不
瘥不行王師南征煜遣徐鉉周惟簡等奉表朝
廷求緩師不答八年十二月王師克金陵九年
煜俘立宗師尋自晉天福二年建國至皇朝

開寶八年國滅凡三十九年
前蜀世家第三
平走 少無賴以屠牛盜驅
販私鹽為事里人謂之賊王八
建次子元膺
為人猴咏齟齬多材藝能射錢中孔嘗自抱畫
毬擲馬上馳而射之無不中 ○術 建十一子
酒酣免冠其髻鬢然更拖米粉號醉狂自大
順二年至同光三年凡三十五年
後蜀世家第四
孟知祥 孟知祥第三子
君臣務為奢侈以自樂至於溺器皆以七寶裝
之 自同光二年己酉入蜀至皇朝乾德三年

乙丑國滅凡四十一年

南漢世家第五 劉隱 ○龔 龔乃採周易飛
龍在天之義為龔字音儼 性聰悟而苛酷為
刀鋸文解剝剔之刑每視殺人則不勝其喜不
覺鼻頰垂涎呀呻人以為真蛟蜃也 ○瑒 ○最
大醉以爪置伶人南丰樓項拔劍斬之以試劍
因并斬其首明日酒醒後復召至樓侍飲左右
白已殺之 最歎息而已 ○鏐 尤愚以謂群臣
皆自有家室顧子孫不能盡忠唯宦者親近可
任遂委其政於宦者 自唐天祐二年隱為廣

別節度使至宋開寶四年國滅凡六十七年
楚世家第六 再啟 昔吾愛子之貌今吾得
子之心矣 丑世持家懼不能免 吾可斷語
可漏○希聲 聞梁太祖好食雞慕之乃日烹
五十難以供膳○希範 希夢○劉言 王進達
○周行逢 自唐乾寧二年至周廣順元年凡
五十七年
吳越世家第七 錢鏐 幼時與羣兒戲木下
鏐坐大石指麾群兒為隊也號令頗有法群兒
皆憚之 營曰衣錦 為衣錦城 山曰衣

錦山 游衣錦城宴故老山林皆覆以錦號其
初所嘗戲大木曰衣錦將軍○玄瓘○佐字佑
○傲 自唐乾寧二年至皇朝太平興國三年國
除凡八十四年

閩世家第八 王審知 海上黃崎波濤為阻一
夕風雨雷電噴擊開以為港閩人以為審知德
政所致號為甘露港○廷翰○鏐○繼鵬 更
名相○廷義 延政 自唐景福元年至晉開運
三年六十年

南平世家第九 高季興 我於手指上得天

下○從誨 南漢與周蜀皆稱帝從誨所嚮稱
臣蓋利其賜予俚俗詭謂奪攘苟得無媿耻者
為賴子猶言無賴也故諸國皆曰為高賴子○
保融 孫勗 繼冲 ○自梁開平元年至皇朝
乾德元年因除凡五十七年

東漢世家第十 蜀曼漢高祖母弟也初名崇
○周太祖少賤黥其頸上為飛雀世謂之飛雀
兒○兼鈞 繼恩 自周廣順元年至皇朝太
平興國四年國滅凡二十八年
十國世家年譜第十一 五代十國 禰帝啟元

者七吳越荆楚常行中國年號錢氏迄五代
常外尊中國室其張軌之比乎

四夷附錄第一 契丹鮮卑之遺種 阿保機
契丹比佗夷狄尤頑傲父母死以不哭為勇載

其尸深山置大木上後三歲往取其骨焚之
○其所居橫帳地名為姓曰世里世里譯者謂

之耶律 夫我如喪兩目而折手足○德光○
布散塘見德光約為父子 吾於德王無所愛

惜雖我皮肉可為盞玉用者吾可割也 德光卒
于殺胡林契丹破其腹去其腸胃實之以鹽載

而北晉人謂之帝紀焉
四夷附錄第二 凡款 好酒工畫 曠知書其
自契丹歸中國載書數千卷 述軌 述律
四夷附錄第三 突本白奴別種 其登山逐
獸下上如飛 ○吐渾 達靺鞨之遺種 ○党
項 ○突厥 吐蕃 回鶻 顯德中來獻玉世
宗曰玉雖寶而無益知之 ○于闐 ○高麗本扶
餘之別種 當唐末其王姓高氏 長興三年
權知國事王建遣使者來明宗乃拜建玄菟別
都督大義軍使封高麗國王 ○渤海本靺鞨

高麗之別種也 其貴族姓大氏 ○新羅弁韓
之遺種也 其大族曰金氏朴氏 ○黑水靺鞨
肅慎氏之地 南詔 牂柯蠻 昆明 占城
○五代四夷見中國者遠不過于闐占城史之
所紀其西北頗詳而東南尤畧蓋其遠而罕至
且不為中國利害云
右五代史總七十四卷

宋史一
太祖一
宣祖率兵夜半至城下傳呼
開門太祖曰父子固親感閉王事也詰旦乃得
入○紀二太祖二正月癸酉朔以出師
不御殿蜀主孟昶降得州四十五縣一百九
十八戶五十三萬四千三十有九瀘州進麥兩
岐至六岐者百六十五本○乾德五年二月五
星聚奎○紀三太祖三開寶五年鄆陵許
永年七十有五自言父瓊年九十九兩兄皆八
十餘乞一官以便養因召瓊厚賜之授永鄆陵

宋史一

紀一 太祖一

宣祖率兵夜半至城下傳呼

開門太祖曰父子固親感閉王事也詰旦乃得

入○紀二太祖二正月癸酉朔以出師

不御殿蜀主孟昶降得州四十五縣一百九

十八戶五十三萬四千三十有九瀘州進麥兩

岐至六岐者百六十五本○乾德五年二月五

星聚奎○紀三太祖三開寶五年鄆陵許

永年七十有五自言父瓊年九十九兩兄皆八

十餘乞一官以便養因召瓊厚賜之授永鄆陵

令。狩近郊，逐兔，馬蹶墜地，因引佩刀刺馬殺之。既而悔之，曰：吾為天下主，輕事畋獵，又何罪？馬或自是遂不復獵。受禪之初，頗好微行，或諫其輕出，曰：帝王之興，自有天命。周世宗見諸將，方曰大耳者，皆殺之。我終日側不能害也。既而微行愈數，有諫，輒詔之曰：有天命者，任自為之，不汝禁也。云云王彥昇擅殺韓通，雖預佐命，終身不與節鉞。

紀四 太宗一 宣祖總兵淮南，破州縣，財物悉不取，第求古書遺帝。恒勸厲之，帝由是工文。

業多藝能。○紀五 太宗二 帝飛白書玉堂之署，四字，以賜翰林承旨蔣易簡。趙保忠貢鵲蹄，海東青，還之。贊曰：君子曰：得乎丘民而為天子，帝之謂乎。故帝之功德，炳煥史牒，號稱賢君。若夫太祖之前，不踰年而改元，滄陵縣公之貶死，武功王之自殺，宋后之不返喪，則後世能無議焉。

紀六 真宗一 左足指有文成天字，幼英睿，姿表特異。與諸王嬉戲，好作戰陳之狀，自稱元帥。太祖愛之。宣歙竹生米，民採食之。賜京

城百歲老人祝道崇爵一級

紀七 真宗二 寒甚左右進貂帽毳裘却之

曰臣下皆苦寒朕安用此 錄唐白居易孫利

用為河南府助教 ○大中祥符元年春正月乙

丑有黃帛曳左兼天門南鵠尾上守門卒準榮

告有司以聞上召羣臣拜迎于朝元殿啓封號

稱天書丁卯紫雲見如龍鳳覆宮殿 云 辛

曲阜縣謁文宣王廟鞞袍再拜幸叔梁紇堂近

臣分奠 ○紀八 真宗三 召草澤魏野

賜杭州草澤林通粟帛 天下戶九百五萬五

千七百二十九口二千一百九十七萬六千九

百六十五 皇子就學之所名資善堂 贊曰

契丹其主稱天其右稱地一歲祭天不知其筭

臘而手接飛鴈鵠自投地皆稱天賜

紀九 仁宗一 皇太后同御承明殿垂簾決

事幸國子監謁孔子遂幸武成王廟

紀十 仁宗二 禁民間織錦刺繡為服飾

太祖太宗真宗廟並萬世不遷 ○紀十一 仁宗三

○禮部奏名進士諸科及第出身八百三十九

人 幸國子監謁孔子有司言舊儀止肅揖帝

特再拜。幸玉津園觀種稻。撫州獻生金山。
○民八十以上及篤疾不能自存者人賜米一
石酒一斗。○紀十二 仁宗四 徐州彭城濠
州鍾離地生麩十餘頃民皆取食。○紀十三 英宗
初娘夢兩龍與日並墮以衣衣之及至帝赤光
滿室或見黃龍游克中。欲亮陰三年命韓琦
攝冢宰。契丹改國號為遼。積日昔人有言
天之所命人不能違。
○紀十四 神宗一 群鼠吐五色氣成雲。正
衣冠拱手。雖大暑未嘗用扇。○紀十五 神宗二

夜西北有聲如礮。關以西蝗蝻野疇生。以
十哲從祀孔子。忠州雨豆。○紀十六 神宗三
封晉程嬰為成信侯。公孫杵臼為忠智侯。封
楚王閻大夫屈平為忠潔侯。封馬援為忠顯
王。○紀十七 哲宗一 皇帝服藥手寫佛書
為帝祈福所書字極端謹。設十科舉士法。劉
恕同脩資治通鑑未沾恩而卒。詔官其子。
○紀十八 哲宗二 禁京城土人輿轎。進編
臣僚章疏一百四十三帙。章惇等進新修教
令式博讀於帝前其間有元豐所無而用元祐

敕令修立者。帝曰元祐亦有可取乎。惇等對曰。取其善者。果州團練使仲恂進古方鼎誌曰。魯公作文。王尊爨。贊曰。元祐之政。庶幾仁宗。奈何。熙豐舊姦屏去未盡。已而媒孽復用。卒假紹述之言。務及前政。報復善良。剔致壹藉禍興。君子盡斤而宋政益敝矣。

紀十九 徽宗一 封伯夷為清惠侯。叔齊為仁惠侯。置安濟坊。養民之貧病者。仍令諸郡縣並置。籍元符三年臣僚章疏姓名。為正上。正中。正下。三等。邪上。邪中。邪下。三等。毀刊行。

唐鑑并三蘇秦黃等文集 毀呂公著司馬光

呂大防范純仁劉摯范百祿梁燾王巖叟景靈

西京繪像。○紀二十 徽宗二 詔算學以王

帝為元帥。風后等八人配饗。平歲等七十人從

祀。○紀二十一 徽宗三 班御製聖濟經。

置內經道德經莊子列子博士。○紀二十二 徽宗四

詔佛改號大覺金僊。餘為僊人。大士僧為德士。

易服飾稱姓。長寺為宮。院為觀。改女冠為女道。

冠為女德。封莊周為微妙元通真君。列禦寇

為致虛觀妙真君。仍行冊命。配享混元皇帝。

朱勔以花石綱媚上東南騷動汝州牛生麒麟
洛陽京畿訛言有黑背如人或如犬夜出掠
小兒食之金人脅帝北行紹興五年四月甲
子崩于五國城年五十有四
紀二十三 欽宗 數蔡京童貫王黼梁師成
李彥朱勔罪謂之六賊帝在青城金人立張邦
昌為楚帝以帝及皇后皇太子北歸
紀二十四 高宗一 資性朗悟博學彊記讀
書日誦千餘言挽弓至一石五斗張邦昌至
杖地慟哭請死帝慰撫之

紀二十五 高宗二 金兵至帝被甲馳韋鎮
江府是日金兵過揚子橋矣且游騎至瓜洲太
帝少鄉季陵奉太廟神主行金兵追之失太祖
神主○紀二十六 高宗三○紀二十七
高宗四 正月辛巳朔帝在紹興府率百官逢
拜二帝不受朝賀○紀二十八 高宗五
廣西大飢李實密為糶○紀二十九 高宗六
胡安國春秋傳成書進宝文閣直學士元不
及宋叛將孔彥舟鄒瓊趙榮等帥衆十餘萬攻
順昌府劉錡率將士殊死戰大敗之初奉檜奏

今鑄擇利班師鑄不奉詔戰益力遂能以寡勝衆○紀三十 高宗七 帝書一德格天之略賜秦檜仍就第賜宴 福州候官縣有沙竇如米饑民採食之 秦檜入朝殿前司軍士施金道刺之不中壬辰磔金于市 加封程學公孫梓曰韓厥為公升中祀○紀三十一 高宗八 太廟仁宗室柱生芝九莖○紀三十二 高宗九 晉曰夏經羿沒周歷共和漢間新室更始晉唐宋則歲月相續者也蕭王琅琊皆出疏屬也康宣王肅宗高宗則父子相承者也至於克復舊

物則晉元熙宋高宗視四君者有餘責焉高宗恭儉仁厚以之繼体守文則有餘以之撥亂反正則非其才也

紀三十二 孝宗一 韓督字元永太祖七世孫也初太祖少子秦王德芳生英國公惟憲惟憲生新興侯從郁從郁生華陰侯世將世將生慶園公全壽全壽生子福是為秀王王夫人張氏夢人擁一羊遺之曰以此為識已而有娠以建炎元年羊十月戊寅生帝于秀別青杉牖之官舍紅先滿室如日正中少長存若伯璵 高宗

曰太祖以神武定天下子孫不得享之遭時多艱儀落可憫朕若不法仁宗為天下計何以慰在天之靈於是詔選太祖之後下建儲之詔賜名燁監宰御史周必大密與康伯言與唐昭宗名同音不可詔別擬進乃定今名既又命學士承旨洪遵為太子擇字遵擬四字以進皆不稱旨甲戌御筆賜字元永是歲諸路斷大碑四十一人

紀三十四 孝宗二 李燾上所著續通鑑長編自建隆至治平一百八卷 金遣烏林答天

錫等未賀會慶節天錫要帝降榻問金主起居虞允文請帝還內命知閤門事王抃諭天錫以明日見天錫沮退改尚書左右僕射同中書門下平章事為左右丞相以虞允文為左丞相梁克家為右丞相並兼樞密使 謁先聖退御敦化堂命國子祭酒林光朝講中庸下詔遂幸武學謁武成王廟 〇紀三十五 孝宗三以旱傷罷喜雪宴 下朱熹社倉法于諸路 李燾上續資治通鑑長編六百八十七卷 贊曰自古人君起自外藩入繼大統而能盡宮庭

之孝未有若帝其間又子怡愉同享高壽亦無有及之者終喪三年又能却群臣之請而力行之宋之廟號若仁宗之為仁孝宗之為孝其無愧焉其無愧焉

紀三十六

光宗

虞允文請蚤建儲貳孝宗

曰朕久有此意事亦素定但恐儲位既正人性易驕即自縱逸不勤於孝沒有失德朕所以未建者更欲其練歷庶務通知古今庶無後悔爾

紀三十七

寧宗一

禁高麗日本商人博易

銅錢○紀三十八

寧宗二

臨安大火四日

乃減○紀三十九

寧宗三

○紀四十

寧宗

四 贊曰宋世內禪者四寧宗之禪獨當事勢之難能不失禮節焉斯可謂善處矣云從冒用事內蓄群姦至指正人為邪正孝為偽

紀四十一

理宗一

朕觀朱熹集註大孝論

語孟子中庸發揮聖賢蘊奧有補治道朕勵志講學緬懷典刑可特贈熹太師 朱在進對奏人主學問之要上曰先卿中庸序言之甚詳朕讀之不釋手恨不與同時 進士何震編類朱熹解注文字云云 真德秀進大學衍義○紀

四十二 理宗二 詔議胡瑗孫明復邵雍歐陽修周敦頤司馬光蘇軾張載程顥程頤等十人從祀孔子廟庭升孔及十哲 詔朕惟孔子之道自孟軻後不得其傳至我朝周惇頤張載程顥程頤真見實踐深探聖域千載絕季始有指皈中興以來又得朱熹精思明雜表裏混融使大字論孟中庸之書本末洞徹孔子之道益以大明于世朕每觀五臣論著啓沃良多今視學有日其令學官列諸從祀以示崇獎之意尋以王安石謂天命不足畏祖宗不足法人言不

足恤者萬世罪人豈宜從祀孔子廟庭黜之內午封周惇頤為汝南伯張載郿伯程顥河南伯程頤伊陽伯 ○紀四十三 理宗三 李鳴復劉伯正進則害善類退則蠹則理里 蔡抗進其父沈尚書解樓昉所著中興小傳百篇宋十朝綱目并撮要二書付史館謄寫 立春雷 ○紀四十四 理宗四 饒州布衣饒魯不事舉科一意經學補迪功郎饒州教授 紀四十五 理宗第五 贊曰理宗享國久長與仁宗同然仁宗之世賢相相繼理宗四十年

之間若李宗勉崔與之吳潛之賢皆弗究于用
而史彌遠丁大全賈似道竊弄威福與相始終
治效之不及慶曆嘉祐宜也。云云自帝繼統首
黜王安石孔廟從祀并濬洛九儒表章朱熹四
書丕變士習視前朝奸黨之碑偽學之禁豈不
大有經度也哉。○紀四十六 度宗 七歲始
言言必合度 理宗家教甚嚴鷄初鳴問安再
鳴回宮三鳴往會議所參決庶事退入講堂講
官講經次講史終日手不釋卷將晡復至榻前
起居率為常理宗問今日講何經答之是則賜

坐賜茶否則為之反覆剖析又不通則繼以怒
明日須更復講 程元岳上言帝王致壽之道
道在脩德後世林和說以求之往轍可鑒修德
之目有三曰清心曰寡慾曰崇儉皆致壽之原
上嘉納之 帝詣太學謁孔子行舍菜禮以顏
淵曾參孔伋孟軻配享額孫師并十哲邵雍司
馬光并列從祀雍封新安伯 詔太極圖說西
銘易傳序春秋傳序天下士子宜肄其文
紀四十七 瀛國公 大元軍軍錢塘江沙上
潮三日不至 贊曰趙宗雖起於用武功成治

定之後以仁傳家視秦宜有問矣然仁之蔽失
於弱昂文之蔽失於僂也中世有欲自強以革
其蔽用乖其方剛致勢擾建災而後土宇分裂
猶能六主百五十年而後亡豈非禮義足以維
持君子之志恩惠足以回結黎庶之心歟
志一 天文一 上古以來天文有世掌之官
唐虞羲和夏昆五箇巫咸周史佚并德石申之
流居是官者○志二 天文二○志三 天文
三 二十八舍○志四 天文四○志五 天
文五 七曜 日月五星○志六 天文六

自七至十三共天文○志十四 五行一上
由漢以來作史者皆志五行所以示人君之戒
深矣自宋儒周惇頤大極圖說行世儒者之言
五行原於理而究於誠其於洪範五行五事之
學雖非所取云云 諸福畢至在治為宜祥符宣
和之代人君方務以符瑞文飾一時而丁謂蔡
京之徒相與傳會而為欺其應果安在哉云云
禹致群臣於會稽黃龍負舟而執玉帛者万国
孔甲好鬼神二龍降自天而諸侯相繼畔夏桑
穀共生于朝雉升鼎耳而雉而大成武庫復修

成湯之政，穆王得白狼白鹿而木武之業衰焉。
徐偃得朱弓，失宗潘有雀生顛，二國以霸，少以
之亡。大槩徵之休咎，猶卦之吉凶，古者有德以
勝之，則凶可為吉，無德以當之，則吉乃為凶。故
德足勝妖，則妖不足慮；匪德致瑞，則物之反常
者皆足為妖。妖不自作，人實興之哉。

志十五

五行一十

水

上

皇祐四年十二月己

丑，雪初，帝以愆尤責躬，減膳，亦見輔臣憂形於
色。龐籍等因言：臣等不能變理陰陽，而上煩陛
下，誠不能感天而惠不能及民，非卿等之過也。是

夕乃得雪。下責躬引咎，願守散秩以避賢路。帝
曰：是陸誠不能感天，而惠不能及民，非卿等之
過也。是夕乃得雪。端拱二年八月，興化軍民
劉政震死，有文在曾曰：大不去。紹興十八年，
漢人獲魚長一丈餘，重數千斤，剖之腹藏人髀，
膚髮如生。二十餘年四月，海鹽縣洋海有巨鯢，
群鯢從之，聲若謳歌，抵岸僵沙上，猶揚鬣搖刺，
其高齊縣門。元豐末，嘗有物大如席，夜見寢
殿上，而神宗崩。元符末，又數見，而哲宗崩。至大
觀間，漸盡見。政和元年以後，大作，每得人詔聲。

則出先若列屋推倒之聲。咸平元年五月
月梅洲王羲之墨地水色變墨如雲。宣和六
年都城有賣責果男子孕而生子辱母不能收
易七人始免而逃去。豐樂樓酒保朱氏子之妻
可四十餘。楚州人忽生鬚長董六七寸。疏秀而
髮宛然。一男子特詔度為女道士。
志十六。五行二上。大中祥符元年五月王
欽若祭文宣王廟於祀林得芝五株。色黃紫如
雲色。及人戴冠冕之狀。

志十七。五行二下。端拱元年八月清遠縣

解舍有鳳集柏樹高六尺。衆禽隨之東北去。知
州李昌齡圖以獻。○志十八。五行。大中祥
符八年。晉州慶唐觀古柏中別生槐長丈餘。天
聖元年二月河陽柳二本連理。六月河陽樞棗
各連理。五年正月綿谷縣松栢同本異幹。○熙
寧元年三月大雷雨所居之西有黃龍見。下獲
一木如龍而形未具。七月大雷雨復有龍飛。其
下及膏木龍尾翼足皆具。歸於田木宛然一體。
○治平四年六月汀州進桐木板二。有文曰天
下太平。政和三年十月武義縣木根有萬字。

年歲四字。○宣和二年四月永州民劉思析薪
有天下太平字。紹興十四年四月虔州民毀教
屋。柱木裏有文曰天下太平。

志十九 五行四 紹興二年七月大雨錢或
從石甃中涌出有輪郭肉好不分明穿之碎若
沙上。○志二十 五行五 景德元年二月保

順軍城壕水陷起文為桃李花雜樹人物之狀

○乾德三年員州民王進牛生二犢。○景德元
年魏城縣民間明彭州濠陽縣民郭琮牛生三
犢。○致和五年七月安武軍言郡縣民范濟家

牛生麒麟。○慶元三年樂平縣田家牛生犢如
馬一角鱗身自尾農以不祥殺之。或惜其為慶

○志二十一 律曆一 古者帝王之治天下

以律曆為先。儒者之通天人。至律曆而止。曆以
數始。數自律生。故律曆既正。寒暑以節。歲功以
成。民事以序。庶績以凝。高事根本。由茲立焉。古
人自入小學。知樂知數。已曉其原。後世老師宿
儒。猶或弗習律曆。而律曆之家。未必知道。各師
其師。歧而二之。雖有切思。豈能究造化之統。會
以識天人。之蘊。奧哉。是以審律造曆。更為不常。

卒無一定之說。治效之不一者，此之由也。而若
豈察及是乎。○志二十三 律曆二
志二十四 律曆四 道體為一天地之元萬
物之祖也。散而為氣，則有陰有陽，動而為數，則
有奇有偶，凝而為形，則有剛有柔，發而為聲，則
有清有濁，其著見而為器，則有律有呂。凡禮樂
刑法權衡度量皆出於是。○志二十五 律曆
五○志二十六 律曆六○志二十七 律曆
七○志二十八 律曆八○志二十九 律曆
九 竟教義和制，橫簫以考察星度，其機衡用

玉欲其燥濕不變，運動有常，堅久而不能廢也。
至于後世鑄銅為圓儀，以法天體，自洽不闕。造
太初曆用渾儀，及東漢孝和帝時，太史惟者亦
道儀。○志三十 律曆十○志三十一 律曆
十一○志三十二 律曆十二○志三十三
律曆十三○志三十四 律曆十四 高宗時
胡銓著審律論曰：臣聞司馬遷有言曰：六律為
萬事根本，其於兵械尤所重。望敵知吉凶，聞聲
效勝負，百王不易之道也。臣嘗深愛遷言，律於
兵械為尤重，而深惜後之誤兵者，止以戰鬪擊

剽奇謀此律之所以誦陳而學者未嘗道也云云
享熙間建安布衣蔡元定著律呂新書云久
之宜春歐陽文秀復著律通其自序曰云云志
三十四 律曆十四 〇志三十五 律曆十五
〇志三十六 律曆十六 〇志三十七 律曆
十七 〇志三十八 地理一 京東 唐室既衰五季
迭興五十餘年更易八姓寓縣分裂莫之能一
宋太祖受周禪初有州百一十一縣六官三十
八戶九十六萬七千三百五十三 天下既一
疆理幾復漢唐之舊 至道三年分天下為十

五路天聖折為十八元豐又折為二十三 視西
漢盛時蓋有加焉隋唐疆理雖廣而戶口皆有
所不及 萬歲山長嶽宣和四年徽宗自為良
嶽記以為山在國之良故名良嶽 西京東一
門曰蒼龍西一門曰金虎北一門曰拱宸五鳳
樓 宮室合九千九百九十餘區皇城周迴十
八里二百五十八步 〇志三十九 地理二 河東路
〇志四十 地理三 陝西 〇志四十一 地理四 河東路
新淮 江南 〇志四十二 地理五 福建 成都 潼川
荆湖 〇志四十三 地理六 唐南京西 滄山

志四十四 河渠一 黃河隨時漲落故舉物
候為水勢之名自立春之後東風解凍河邊人
候水初至凡一寸則夏秋當至一尺頗為信驗
故謂之信水二月三月桃華始開水泮兩積川
流猥集波瀾盛長謂之桃華水春末蕪菁華開
謂之菜華水四月末壑麥結秀擢芒變色謂之
麥黃水五月瓜實延蔓謂之瓜蔓水朔野之地
深山窮谷固陰沍寒冰堅晚泮速乎盛夏消殺
方盡而沃蕩山石水帶礫腥併流于河故六月
中旬後謂之礫山水七月菽豆方秀謂之豈華

水八月蒺藜華謂之荻苗水九月以重陽紀節
謂之登高水十月水落安流復其故道謂之復
槽水十一月十二月斷冰雜流乘寒後結謂之
蹙凌水水信有常率以為準非時暴漲謂之客
水○志四十五 河渠二 河之為患久矣後
世以亭治水故常有礙夫水之趨下乃其性也
以道治水則無違其性可也如能順水所向遷
徙城邑以避之復有何患○范純仁言聖人有
三寶曰慈曰儉曰不敢為天下先蓋天下大勢
惟人君所向羣下競趨如川流山摧小失其道

非一言一力可回故居上者不可不謹也

志四十六 河渠三 春秋晉楚戰于州又

音返即汴字古入避及字改從汴字○志四十

七 河渠四○志四十八 河渠五○志四十

九 河渠六○志五十 河渠七 湖江通大

海日受兩潮梁開平中錢武肅王始築得海塘

在候潮門外潮水晝夜衝激版築不就因命彊

弩數百以射潮頭又致禱晉山祠既而潮避錢

塘 蘇軾既開湖因積葑草為堤相去數里橫

跨南北兩山夾道植柳株希榜曰蘇公堤行人

便之因為軾立祠堤上 臨安守臣言西湖冒

佃侵多葑茨蔓延西南一帶已成平陸而瀕湖

之民每以葑草圍裹種植荷花駸々不已恐數

十年後西湖遂廢將加越之鑑湖不可復矣乞

一切芟除○志五十一 禮一○志五十二

禮二○志五十三 禮三○志五十四 禮四

○志五十五 禮五○志五十六 禮六 景

德三年詔定壽星之祀太常禮院言按月令八

月命有司享壽星於南郊注云秋分日祭壽星

於南郊壽星南極老人星也爾雅曰壽星角亢

也。注云：數起角亢列宿之長，故云壽星。唐開元
中特置壽星壇，常以千秋節日祭老人星及角
亢七宿。○志五十七 禮七 封禪 真宗
大中祥符元年，兗州父老早良等千二百八十
七人及諸道貢舉之士八百四十六人詣闕陳
請云：帝帝之巡祭也，往還四十七日未嘗遇雨，
雪嚴冬之候，景氣恬和，祥應紛委。前祀之日，陰
雲風勁，不可以燭及行事。風頓止，天宇澄霽，燭
焰凝然，封禪訖，紫氣蒙壇，黃光如帛繞天，書匣
悉縱四方所獻珍鳥異獸山下，法駕還奉高宮。

日重輪五色雲見，鼓吹振作，觀者塞路，歡呼動
天地。改奉高宮曰會真宮。○志五十八 禮八
太祖親撰先聖亞聖贊，十哲以下，余文臣分贊
之。真宗幸孔林，以樹擁道，降輿乘馬，至文宣
主墓，設奠再拜，追封十哲為公，七十二弟子
為侯，先儒為伯，或贈官。崇寧初，詔辟龐文宣
主殿，大成為右。史記弟子傳曰：受業身通六
藝者七十有七人，自顏回至公孫龍三十五人，
顏有年，各尺受業，見於書傳，四十二人，姓名僅
存。家誥曰：七十二弟子皆升堂入室者，按唐會

要七十七人而開元祀止七十二人又復去取不一本朝議臣斷以七十二子之說取琴張等五人而去公夏首等十人政和三年詔封年安石舒王配享安石字魯臨川伯從祀新儀成以孟春元日釋菜仲春仲秋上丁日釋奠以充國公顏回鄒國公孟軻舒王王晏國配享殿上云云五年太常等言兗州鄒縣孟子廟詔以樂正子配享公孫丑以下從祀皆擬宗其封爵樂止子克利國侯公孫丑壽光伯萬章博興伯告子不害東阿伯孟仲子新泰伯陳臻蓬萊伯

克虞昌樂伯屋廬連秦符伯徐辟弘源伯陳代沂水伯彭更雷澤伯公都子平陰伯咸丘蒙湏城伯高子泗水伯桃應膠水伯孟成括萊陽伯季孫豐城伯子叔萊陽伯大晟樂成靖康元年右諫議大夫楊時言王安石學術之謬諸追奪王爵朋誥中外毀去配享之像使邪說淫辭不為學者之惑詔降安石從祀廟廷大觀三年封風后上谷公箕子遼東公云云淳祐元年正月理宗幸大學詔以周敦頤張載程顥程頤朱熹從祀黜王安石景定二年皇太子詣學請

以張械呂祖彊從祀 咸淳三年詔封曾參成
國公孔伋沂國公配享先聖封嶺孫師陳國公
升十哲從祀以邵雍司馬先列從祀 東燕五
十二人西燕五十二人○昭烈武成王自唐立太公
廟春秋仲月上戊日行祭禮上元初封為武成
王始置亞聖十哲等後又加七十二弟子○大
祖建隆四年幸廟歷觀圖壁指自起曰此人殺
已降不武之甚何受享於此命去之 大中祥
符元年加謚昭烈 政和二年武學諭張滋言
詩云赫々南仲維師尚文文武吉甫顯允方叔

王命召虎程伯休文是均為周將功著聲詩今
昔所尊惟一尚又而南仲吉甫之德不預配食
餘如邵毅之闕禮樂教詩書尉繚以言為學者
師法不當棄而不錄請並配食博士孫宗鑑以
請以黃石公配 宣和五年親奠日以張良龍
享殿上管仲孫武毅諸葛亮李勣並西向田穰
直范蠡韓信李靖郭子儀並東向東廡向起孫
臧康頡李牧曹參周勃李廣霍去病鄧禹馮異
吳漢馬援皇甫嵩鄧艾張飛呂蒙陸抗杜預陶
侃慕容恪宇文憲韋孝寬楊素賀若弼李孝恭

獲定方王孝傑王陵李光弼並西向西廡吳越
田單趙奢王翦彭越周亞夫衛青趙充國寇恂
賈復耿弇段熲張遼關羽周瑜陸遜羊祜王濬
謝玄王猛王鎮惡斛律光王僧辯于謹吳明徹
韓擒虎史萬歲尉遲敬德裴行儉張仁亶郭元
振李晟並東向凡七十二將云 乾道六年詔
武成王廟升李晟於堂上降李績於李晟位次
仍以曹彬從祀 傳伯壽言武成廟從祀出於
唐開元間一時銓次失於太雜如尹吉甫之代
儼狄召虎之平淮夷寔亞鷹揚之烈陳湯傳介

子馮奉世班超之流皆為有漢之雋功在晉則
謝安祖逖在唐則王忠嗣張巡輩皆不得預從
祀之列竊聞邇日議臣請以本朝名將從祀謂
宜併詔有司討論歷代請將為之去取然後與
本朝名將繪於殿廡 周公且追封文憲王建
廟竟川 淳熙四年靜江守臣張栻奏初領川
有唐帝祠其山曰竟山有虞帝祠其山曰虞山
請著之祀典 紹興二年篤部員外郎李愿奏
程嬰公孫杵臼於趙最為功臣神宗皇嗣未建
封嬰為成信侯杵臼為忠智侯命絳州立廟歲

時奉祀其後皇嗣衆多。屈原廟在歸州者封清烈公在潭州者封忠潔侯。凡祠廟賜額封号多在熙寧元祐崇寧宣和之時。

志五十九 禮九 堯舜禹皆立五廟蓋二昭二穆與其始祖也。有商建國改立六廟蓋昭穆之外祀契與湯也。周立七廟蓋親廟之外祀太祖與文王武王也。漢初立廟悉不如禮。魏晉始復七廟之制。為人後者為之子無兄弟相為之文所以舍至親取遠屬者蓋以兄弟一體無父子之道故也。竊以七廟之制百王是尊至於

祖有功宗有德則百世不遷之廟也。父為昭子為穆則千古不刊之典也。今議者引漢書曰為人後者為之子殊不知弟不為兄後子不為父孫春秋之深旨父謂之昭子謂之穆禮記之明文也。陸佃言太祖之廟百世不遷三昭三穆親盡則迭毀如周以後穆為太祖王季為昭文王為穆武王為昭成王為穆康王為昭昭王為穆其後穆王入廟王季親盡而遷則文王宜居昭位武王宜居穆位成王昭王宜居昭位康王穆王宜居穆位所謂父昭子穆是也。說者以昭

常為昭穆常為穆則尊卑失序後圖上八廟昭穆之制以翼祖太祖太宗仁宗為昭在左宣祖真宗英宗為穆在右皆南面北上

志六十

禮十

歐陽脩等曰古者宗廟之制

皆一帝一后後世有以子貴者始著並祔之文其不當祔者則有別廟之祭本朝禘祫不以別廟之后列于配后之下非惟於古無文於今又不可禘祫之義存於周禮春秋而不著其名行禮之年經皆無文唯公羊傳曰五年而再盛祭禮緯曰三年一祫五年一禘而又分為二說

鄭氏則曰前三後二謂禘後四十二月而祫祫後十八月而禘徐隨則曰前二後三謂二祭相去各三十月以二說考之惟鄭氏曰魯禮三年喪畢於太廟明年禘于群廟自後五年而再盛祭一祫一禘實為有據

志六十一

禮十一

緣漢法邦之字曰國盈

之字曰滿止是讀曰國曰滿其本字見於經傳者未嘗改易司馬遷漢人也作史記曰先王之制邦內畿服邦外侯服又曰盈而不持則傾於邦字盈字亦不改易今來淵聖皇帝御名欲定

讀如前外其經傳本字即不當改易

志六十二

禮十二

章穆位崇中壺與懿德

有異已祔廟室自協一帝一后之文章獻輔政
十年章懿誕有帝能功德莫與爲比退就右廟
未厭衆心禮夫婦一體故昏則同牢合鬯終
則同穴祭則同几同祝饌未嘗有異廟者也惟
周人以姜嫄爲媒神而帝嘗無廟又不可下入
子孫之廟乃以別廟而祭故魯頌謂之閟宮周
禮謂之先妣可也自漢以來不祔不配者皆援
姜嫄爲比或以其微或以其繼而已蓋其間有

天下者起於側微而其后不及正位中宮或以
嘗正位矣有所不幸則當立繼以奉宗廟故有
祖始三人則祔於親者之說立繼之禮其來尚
矣始微終顯皆嫡也前娶後繼皆嫡也後世乃
以始微後繼寘之別廟不得伸同几之義則非
禮意恭惟太祖孝惠皇后太宗淑德皇后真宗
章懷皇后實皆元妃而孝章則太宗繼后乃皆
祭以別廟在禮未安請升祔太廟增四室以時
配享衛國公秦檜合建家廟命臨安守臣營
之云云○志六十三 禮十三○志六十四

禮十四 冊立皇后 〇志六十五 札十五
〇志六十六 志十六 九幸苑園池籞觀稼
畝穰所至設宴惟從官預謂之曲宴或宴大遠
使副于禁宸殿則近臣及刺史止郎都虞候以
上預暮春後苑賞花釣魚則三館秘閣皆預
雍熙二年四月二日宴于後苑賞花釣魚張樂賜
飲命群臣賦詩習射賞花曲宴自此始 真宗
咸平二年八月七日再宴用樂二月晦賞花宴
于後苑帝任中春賞花釣魚詩儒臣皆賦遂射
于水殿盡歡而罷自是遂為定制 皇祐五年

後苑室政殿刈麥謂輔臣曰朕新作此殿不教
植花歲以種麥庶知穡事不易也自是幸觀穀
麥惟就後苑春夏賞花釣魚則歲有之〇太平
興國九年正月六日幸景龍門外水磴帝臨水
而坐召從臣觀之因謂曰此水出於山源清澄
甘潔近河之地水味皆耳豈河潤所及乎宋琪
等曰上猶人性善惡深習致帝曰卿言是也〇
三元觀燈本起於方外之說自唐以後常於
正月望夜開坊市門燃燈宋因之上元前後各
一日城中張燈大內正門結綵為山樓影燈起

露臺教坊陳百戲天子先幸寺觀行香遂衙街
樓或御東華門及東西角樓飲從臣四夷蕃客
各依本國歌舞列於樓下東華左右掖門東
西南樓城門大道大宮觀寺院悉起山棚張樂
陳燈皇城雉堞亦徧設之其夕開日城門達旦
縱士民觀後增至十七十八夜太祖建隆二年上
元節御門德門樓觀燈○志六十七 禮十七
○志六十八 禮十八皇太子冠儀嘗行大中
祥符之八年徽宗親製冠禮沿革十一卷 皇
子冠 公主笄 公主下降○志六十九 禮

十九 常朝之儀唐以宣政為前殿謂之正衙
即古之內朝也以紫宸為便殿謂之入閣即古
之慈朝也而外又有含元殿含元非正至大朝會
不御正衙則日見群臣百官皆在謂之常參其
後此禮漸廢後唐明宗始詔羣臣每五日一隨
宰相入見謂之起居宋因其制皇帝日御垂拱
殿文武官月赴文德殿正衙日常參 唐朝故
事五日一開延英復日視事雙日不坐
志七十 禮二十○志七十一 禮廿一○志
七十二 禮二十二 昔周滅殷封微子為啟

後俾修其禮物作賓于王家與國咸休宋以柴
周之後為一格又錄孔子之後亦先王崇德象
賢之意也故皆為賓禮○志七十三 禮廿三
文東武西相對○志七十四 禮廿四 禡師
祭也宜居軍禮之首講武之受降獻俘又攻之
田穰以下亦各以類附焉軍前大旗曰牙師出
必祭謂之禡○打毬本軍中戲太宗令有司詳
定其儀三月會鞠大明殿有司除地豎木東西
為毬門高丈餘首刻金龍下地施石蓮花坐加
以采績左右分朋主之以承旨二人守門衛士

二人持小紅旗唱籌御龍宮錦繡衣持哥舒捧
周衛毬場殿階下東西建日月旗○志七十五
初廿五 范祖禹言先王制禮以君服同于父
皆斬衰三年蓋恐為人臣者不以父事其君此
所以管乎人情也○志七十六 禮廿六 杜
錫等言按晉穆帝納后月是唐帝忌月禮官首
詢議有忌日無忌月若有忌月即有忌時忌歲
益無所據○志七十七 禮二十七 大中祥
符三年幸翰林侍講學士邢昺第視疾賜白金
千兩衣著千匹名樂一奩○志七十八 禮二

十八 紹興二十七年監登聞鼓院范同言今
民俗有所謂火化者生則奉養之具唯恐不至
死則燔爇而拋棄之何獨厚於生而薄於死乎
甚者焚而置之水中識者見之動心國朝著令
貧無葬地者許以係官之地安葬河東地狹人
衆雖至親之喪悉皆焚棄韓琦鎮并州以官錢
市田數頃給民安葬至今為美談然則承流宣
化使民不僻於礼法正守臣之職也方今火葬
之慘日益熾甚事關風化理宜禁止仍飭守臣
措置荒閑之地使貧民得以收葬少禔風化之

美從之云云 吳越之俗葬送費廣必積累而
後辦至於貧下之家送終之具唯務從簡是以
從來率以火化為使相習成風勢難遽革况州
縣休息之久生聚日繁所用之地必須寬廣乃
附郭近便處官司以艱得之故有未行標撥者
既葬埋未有處所而行火化之禁恐非人情所
安云云 ○服紀宋天子及諸臣服制前史皆散
記諸礼中未嘗特錄之也後史則表而出之高
宗於外廷以曰易月於兩廷則行二年之礼御
朝則淺素淺黃孝宗又力持三年之制云云 ○

志七十九 樂一〇志八十 樂二 景祐三

年七月馮元等上新修景祐廣樂記八十一卷

〇志八十一 樂三 鄭憲亂雅然朱紫有色

而易別雅鄭無象而難知聖人懼其難知也故

定律呂中正之音以示萬世〇志八十二 樂

四 崇寧四年九月初用新樂大尉率百僚奉

觴稱壽有數鶴從東北來飛度黃庭回翔鳴唳

〇刘禹編修樂書為八論其一曰樂由陽來陽

之數極於九聖人攝其數於九鼎寓其色於九

成陽之數復而為一則宝鼎之卦為坎極而為

九則彤鼎之卦為離南方之卦也聖人以光

明盛大之業如日方中嚮明而治故極九之數

則曰景鐘大樂之名則曰大晟日王于午火明

于南乘火德之運當盛大之時恢擴規模增

光前烈明盛之業永觀厥成樂名大晟不亦宜

乎〇為音之中匏者廢絕久矣後世以木代匏

乃更其制下皆用匏而并造十三簧者以象閏

餘〇凡言樂者必曰鐘鼓蓋鐘為秋分之音而

屬陰鼓為春分之音而屬陽金奏待鼓而後進

者雷發也而後群物皆鳴也鼓復用金以節樂

者雷收也而後蟄蟲坏戶也。聖人制作之旨皆在易中。易曰震起也。艮止也。柷故之義如斯而已。柷以木為底。下實而上虛。震一陽在二陰之下。象其卦之形也。擊其中。出虛為衆樂倡。震為雷。出地奮為春分之音。故為衆樂之倡。而外飾以山林物生之狀。艮位寅為虎。虎伏則以象止。云云。五行之氣有生有尅。四時之禁不可不頒示天下。盛德在木。角也。乃作得羽而生。以徵為相。若用高則刑。用宮則戰。故春禁宮商。盛德在火。徵也。乃作得角而生。以宮為相。若用

羽則刑。用高則戰。故夏禁商羽。盛德在土。宮也。乃作得徵而生。以商為相。若用角則刑。用羽則戰。故季夏土王。宜禁角羽。盛德在金。商也。乃作得宮而生。以羽為相。若用徵則刑。用角則戰。故秋禁徵角。盛德在水。羽也。乃作得高而生。以角為相。若用宮則刑。用徵則戰。故冬禁宮徵。此三代之所共行。月令所載。深切著明者也。○志八十三 樂五○志八十四 樂六○志八十五 六七八 樂七八九十○志八十九 樂十一二○志九十一 樂十三 佚乙羅帛會

濟奉堯鎮羣材薪樸仁政煦蒲盧鶴
書搜隱逸龍陞策賢良○醴泉一腐涕檻泉冥
流清泚地不愛寶其旨如醴○甘露一飴泔泮
林珠聯竹栢○志九十二樂十四堯門疊
瑞如怪齊輝○志九十三樂十五鼓吹者
軍樂也昔黃帝涿鹿有功命政伯作凱歌以建
威武揚德風厲士諷敵其曲有靈夔競雕鸚爭
石墜崖壯士怒之名周官所謂師有功則凱歌
者也漢有朱鷺等十八曲短簫鏡歌序戰代之
事黃門鼓吹為亨宴所用文有騎吹二曲說者

謂列於殿庭者為鼓吹從行者為騎吹魏晉而
下莫不沿尚始有鼓吹之名江左太常有鼓吹
之樂○志九十四樂十六○志九十五
樂十七虞庭言樂以詩為本孔門禮樂之教
自興於詩始記曰十有三年學樂誦詩詠歌以
養其性情舞蹈以養其血脉此古之成材所以
為易也○琴律頤天地之和者莫如樂暢樂之
趣者莫如琴八音以絲為君絲以琴為君眾器
之中琴德最優白虎通曰琴者禁於邪以正
人心也宜眾樂皆為琴之臣妾樂工致辭總

以詩一章謂之口號。天聖中帝嘗問輔臣以古今樂之異同。王曾對曰。古樂祀天地宗廟社稷山川鬼神而聽者莫不知悅。今樂則不然。徒虐人耳目而蕩人心志。自昔人君流連荒者莫不繇此。帝曰。朕於聲技固未嘗留意。內外宴遊皆勉強耳。○志九十六。儀衛一。綦天下之貴一人而已。是故環拱而居。備物而動。文謂之儀。武謂之衛。一以明制度立等威。一以慎出入遠危疑也。○志九十七。儀衛二。宮中導從。行幸儀衛。大上皇儀衛。后妃儀衛。

○志九十八。儀衛三。羸車。羊車。各以所駕名之也。隋禮儀志曰。漢氏或以人牽。或駕果下馬。此乃漢代已有。晉武偶取乘於後宮。非特為掖建制也。○志九十九。儀衛四。○志百。儀衛五。○志百一。儀衛六。祥瑞旗八。紹興二十五年所制也。是歲適當郊祀而太廟生靈芝。九莖。穎州進太平瑞木。道州連理木。遂寧府嘉禾。鎮江府瑞山。南安軍雙蓮。杭州覺華寺佛州。玉山芝草。黎州甘露。禮部侍郎王珉等請繪之。葉旗以紀盛美焉。○志百二。輿服一。高

臬曰事天貴質若尚華麗非禮祀本意也是以
子孫世守其訓雖江介一隅而華質適時尚足
為一代之法○志百三 輿服二 門戟木為
之而無刃門設架而列之謂之祭戟天子宫殿
門左右各十二應天數也宗廟門亦如之國學
文廟主廟武成王廟亦賜馬惟武成王廟左右
各八臣下則諸別公門設馬私門府第恩賜者許
之○志百四 輿服三 天子之服一曰大裘
冕二曰衮冕三曰通天冠絳紗袍四曰履袍五
曰衫袍六曰窄袍天子祀享朝會親耕及視事

燕居之服也七曰御覽服天子之戎服也中興
之後則有之○志百五 輿服四○志百六
輿服五 公服凡朝服袴之具服公服從者今
謂之常服亦因唐制三品以上服紫五品以上服
朱七品以上服綠九品以上服青 從三品以
上服玉帶四品以上服金帶以下升朝官雜未
升朝已賜紫緋 魚袋其制自唐始蓋以為符
契也其始曰魚符左一右一左名進內右者隨
身刻官姓名出入合之同盛以袋故曰魚袋亦
因之其制以金銀飾為魚形公服則繫於帶而

垂發後以明貴賤非復加創之符契也。○中興
士大夫之服大抵因東都之舊而其後稍變焉
一曰深衣二曰紫衫三曰常衫四曰帽衫五曰
襪衫○志百七 輿服六 寶秦制天子有六
璽又有傳國璽歷代因之唐改爲寶其制有八
五代亂離或多亡失周廣順中始造二寶其一
曰皇帝承天受命之寶一曰皇帝神寶太祖受
禪傳此二寶又製大宋受命之寶至太宗又別
製承天受命之寶是後諸帝嗣服皆自爲一寶
以皇帝恭膺天命之寶爲文。○紹聖三年咸陽

縣民段義得古玉印自言於河南鄉劉銀村修
舍掘地得之有光照室四年上之云云以歷代
正史考之璽之文曰皇帝壽昌者晉璽也曰受
命於天者魏璽也右德昌者唐璽也惟德允昌石
晉璽也則既壽永昌者秦璽可知今得璽款咸
陽其玉乃藍田之色其篆與李斯十篆辭合飾
以龍鳳鳥魚乃書畫之法於今所傳古書
莫可比擬非漢以後所作明矣。○印制兩漢以
後人臣者金印銀印銅印唐制諸司皆用銅印
宋因之。○符券唐有銀牌堯驛遣使則門下者

給之其制闊一吋半長五吋面刻隸字曰敕走
馬銀牌凡五字首多數黃以韋帶其後罷之宋
初令樞密院給券額之額子○檄牌其制有金
字牌青字牌紅字牌金字牌者日行四百里郵
置之最速也凡敕書及軍機要切則用之由
內侍有堯造焉乾道末樞密院置雌黃青字牌
日行三百里五十里軍期急速則用之○宮室
汴宋之制侈而不可以刻中興版御惟務簡者
宮殿尤朴皇帝居曰殿總曰大內又曰南內本
杭州治也紹興初創為之休兵後始作崇政堂

拱二殿○紫宸殿遇朔受朝則御焉又德殿降
故則御焉集英殿臨軒策士則御焉大慶殿行
冊禮則御焉講武殿閱武則御焉其重拱崇政
二殿樞吏具辨而已○唐制天子所居曰衙故
臣下不得稱後在外藩鎮亦僭曰衙原為臣下
通稱今帝居雖不曰衙而在內者部寺監之名
則仍唐舊也其在內者為尊名燁在外者為
君無嫌歟私居執政親王曰府餘官曰宅庶民
曰家○志百八 選舉一 宋之科目有進
士有諸科有武舉常選之外又有制科有童子

舉而進士得人為盛神宗始罷論科而分經義
詩賦以取進士其後遵行未之有改○其考第
之制凡五等字賦優長詞理精純為第一才思
該通文理周率為第二文理俱通為第三文理
中平為第四文理殊淺為第五並後薛軾唱第
上二等曰及第三等曰出身四等五等曰同出
身○蘇軾曰得人之簡在於知人知人之法在
於責實使君相有知人之明朝廷有責實之政
則胥史皂隸未嘗無人雖用今之法臣以為有
餘使無知人之明無責實之政則公卿侍從常

患無人况學校貢舉乎雖復古之制臣以為不
足矣時有可名物有黜廢使三代聖人復生於
今其選舉亦必有道何必由學乎○志百九
選舉二 凡童子十五歲以下能通經作詩賦
州升諸朝而天子親試之 李朝童子以文稱
者楊億宋綬晏殊李淑後皆為賢宰相名侍從
今郡國舉貢問其所能不過記誦宜稍艱其選
八年始分為三等凡全誦六經存經論孟及能
文加六經義三道論孟義各一道或賦一道詩
一首為上等与推恩誦書外能通一經為中

等免文解兩次止能誦六經論區為下等
○志百九 選舉三 凡學皆隸國子監國子生
以京朝七品以上子孫為之初無定員後以二
百人為額太學生以八品以下子孫若廢人之
俊異者為之 政和四年試高麗進士權適等
○陳道庭言五經義微諸家異見以所是者為
正所否者為邪此一偏之大夫也頃者措蘇軾
為邪學而加禁甚切今已弛其禁許其長實
為通論而祭酒楊時矯枉太過復詆王氏以為
邪說此又非也諸生習川平學聞時之言群起

而詆毀之時引避不出者始散詔罷時祭酒
○凡諸王屬尊者立小學于其宮其子孫自八
歲至十四歲皆入學日誦二十字 仁宗時嘗
置武學既而中輟天聖八年親試武舉十二人
先閱其騎射而試之以策為去留弓馬為高下
○志百十一 選舉四 ○志百十二 選舉五
○至道初中詔劍南州縣官不得以族行敢有
妄稱妻為女奴携以之官除名 ○志百十三
選舉六 司馬先為相奏曰為政得人則治然
人之才或長於此而短於彼雖舉廢稷契各守

一官中人安可求備故孔門以四科論士漢室以數路得人若指瑕掩善則朝無可用之人苟隨器授任則世無可棄之士臣備位宰相職當選官而識短狹士有恬退滯淹或孤寒遺逸豈能周知云云又言朝廷執政惟八九人若非交舊無以知其行能不惟涉循私之嫌兼所取至狹豈足以盡天下之賢才○古語曰三辰不軌擢士為相蠻夷不恭拔卒為將

志百十四 職官一 昔武王克商史臣記其成功有曰列爵惟五分土惟三建官惟賢位事

惟能後世曰爵曰官曰職分而任之其原蓋始乎此 時人語曰寧登瀛不為卿寧抱槩不為監虛若不足以砥礪天下 大尉舊在三師下由唐至宋加重遂以大尉居大傅之下若宰相官至僕射致仕者或在位久逝或已任司空司徒則拜大尉大傅等官若大傅則為異數自趙普以開國元勳文彥博以累朝耆德方特拜身雖大傅王旦司徒呂夷簡各任宰相二十年止以大尉致仕 元祐元年文彥博落致仕大尉平章軍國重事 宣和末三公至十八人三少不計也太師三人蔡京董貫鄭紳云云宋承唐

制以同平章事為真相之任，無常員有二人，則分日知印以承印，以上至三師為之，其上相為文館大學士，監修國史，其次為集賢殿大學士，曰平章軍國章事，元結中置以文彥博、太師呂公著、守司空相繼為之，序宰臣上，所以處老臣碩德，特命以寵之也。使相親王、樞密使留守節度使、兼侍中、中書令、同平章事者，皆謂之使相，不預政事，不書敕，惟宣敕降授者，敕尾存其銜而已。建炎三年，門下中書侍郎為參知政事，云丞相未除，則執日當筆云云。

新舊雜抄曰樞密院曰樞密院曰樞密院曰樞密院

志百十五 職官二 宋初循唐五代之制，置

樞密院，與中書對持文武二柄，號為二府。○朝

林學士 觀文殿大學士 改為崇文殿學士

以參知政事丁度為之，時學士多以徽名為官

稱丁遂稱曰丁崇文。○資政殿大學士。○端明

殿學士。○龍圖閣學士。○天章閣學士。○寶文

閣學士。○顯謨閣學士。○徽猷閣學士。○敷文

閣學士。○煥章閣學士。○華文閣學士。○寶謨

閣學士。○寶章閣學士。○顯文閣學士。○以史

館昭文館集賢院為三館，皆寓崇文院。○資善

堂自仁宗為皇子時為肄業之所每皇子出就
外傳選官五領○志百十六 職官三 尚書
左選 尚書右選○志百十七 職官四 御
史臺掌糾察官和書止綱紀大事則廷辦小事
則奏彈其屬有三院一日臺院侍御史隸焉二
曰殿院殿中侍御史隸焉三日察院監察御史
隸焉 凡事經郡縣監司有曹不能直者直牒
閣門上殿論奏官早而入殿中監察御史者謂
之裏行 凡脩纂牒譜圖籍其別五曰玉牒以
編年之體叙帝系而記其歷數凡政令賞罰封

域戶口豐凶祥瑞之事載焉曰屬籍序同姓之
親而第其服紀之戚疎遠近曰宗藩慶系錄辨
譜系之所自出序其子孫而列其為位品秩曰
僊源積慶圖考定世次枝分派別而系以本宗
曰僊源顯譜序男女宗婦族姓婚姻及官爵遷
叙而著其功罪生死○志百十八 職官五
和劑局惠民局掌修合良藥出賣以濟民疾○
志百十九 職官六 殿前司都指揮使副都
指揮使都虞候各一人掌殿前諸班直及步騎
諸指揮之名籍凡統制訓練蕃衛戍守遷補賞

蜀皆總其政令而有都點檢副都點檢之名在
都指揮之上○宣和末節度使五六十人議者
以為濫中興諸州升改節政鎮凡十有二是時
諸將勲各有兼兩鎮三鎮者實為希闊之典○
志百二十 職官七 制置使不常置掌經畫
邊鄙軍旅之事○宣諭使掌宣諭德意不預他
事故即結罷○宣撫使不常置掌宣布威靈撫
綏邊境及統護將帥督視軍旅之事○宣撫副
使不常置掌二使事○有不置使而置副如
胡世將之於川陝岳飛之於荆襄楊沂中之於

淮北皆止以副使為右飛後以功始落副字亦
有身為正使兼領副使○總領四人 淮東總
領 湖廣總領 淮西總領 四川總領○留
守副留守舊制天子巡守親征則命親王或
大臣總留守事○招討使掌收招討殺盜賊之
事不常置○鎮撫使舊所無者中興假權宜以
收群盜○通判宋初懲五代藩鎮之弊乾德初
下湖南始置諸州通判○教授景祐四年詔藩
鎮始立為他州勿聽○諸軍都統制副都統制
統制統領舊制出師征討諸將不相統一則拔

一人為都統制以總之未為官稱也○志百二
十一 職官八品正從一品 正二品 從二品
正三品 從三品 正四品 從四品 正五
品 從五品 正六品 從六品 正七品
從七品 正八品 從八品 正九品 從九品
○志百二十二 職官九 爵一十二 王
嗣王 郡王 國公 郡公 開國公 開國
郡公 開國縣公 開國侯 開國伯 開國
子 開國男 皇子兄弟封國謂之親王親王
之子承嫡者為嗣王宗室近親承襲特旨者封

郡王云 邑二千戶已上封公一千戶已上封
侯七石戶已上封伯五百戶已上封子三百戶
以上封男見任前任宰相食邑實封共萬戶○
勳一十二 上柱國 柱國 上護軍 護軍
上輕車都尉 輕車都尉 上騎都尉 騎都
尉 驍騎尉 飛騎尉 雲騎尉 武騎尉○
志百二十三 職官十○志百二十四 職官
十一 奉祿自宰臣而下至岳瀆廟令兵四十
一等 宰相樞密使月三百千春冬服各綾二
十匹絹三十匹冬綿西兩云○任宰相執政

者有隨身任使相至正任刺史以上者有隨身
餘止備人宰相并文臣充樞密使司中書門
下平章事及樞密使七十人云云○宰相樞密
使月給薪千二石東歲給炭自十月至正月二
石秤餘月一百秤○志百七五一職官十二○志百
二十六 食貨上一 天人之道治而國家之政
興焉是故食貨而下五卿之職備舉於是矣宗
伯掌邦禮記必有食貨而後儀物備賓必有食
貨而後委積豐司空掌邦土民必有食貨而後
可奠於厥居司徒掌邦教民必有食貨而後可

興於禮義司寇掌邦禁民必有食貨而後可遠
於刑罰司馬掌邦政兵必有食貨而後可用於
征戍其曰農用八政農食貨之本也 哲宗卽
位宣作大臣臨朝首起司馬充為門下侍郎委
之以政詔天下臣民皆得以封事言民間疾苦
先抗疏曰四民之中惟農最苦寒耕熱耘露晷塗
足戴日而後作戴星而息蠶婦以繭績麻紡
績纒而後績之寸寸成之甚勤極矣○志百
七七 穀之品七一曰粟二曰稻三曰麥四曰黍
五曰稷六曰菽七曰雜子帛之品十曰羅二曰縠三

曰絹四曰紗五曰純六曰緇七曰雜折八曰絲線
九曰綿十曰布葛金鐵品四曰金二曰銀三曰鐵
鑠四曰銅鐵錢物產之品六曰布五曰葛三曰草
三曰茶鹽四曰竹木麻草芻菜五曰果藥油紙薪
炭漆蠟六曰雜物其輸者率度而後以有餘補
不足則移此輸彼移近輸遠謂之支移用節
而後財可積財積而後國可足國足而後賦可
減賦減而後民可膏民膏而後邦可寧不然
日復日歲復歲臣未敢其所終也○志百二十八
食貨志上三〇志百二十九 食貨上四

前代軍師所在有地利則開屯田營田以省餽
饋云云太原府呂惠卿嘗上營田疏曰今葭蘆
米脂裏外良田不啻一二萬頃真人名為真珠
山七寶山言其出木粟也 宣宗既用王安石為
參知政事其石名帝言天下財利所當開闢歟
啟者帝然其說遂制立措置三司條例三石
因請以著作佐郎編校集賢書籍呂惠卿為制
置司核詳文字自是專一講求立為新制欲行
青苗之法 王廣濟嘗奏乞度僧牒數十道為
本錢於陝西轉運司私行青苗法春散秋歛與

平石意合至是請施行之河北於是平決意行
之而常平產惠倉之法遂廢而為青苗矣
志百三十 食貨上五 詔特蠲之民避役者
或竄名浮圖籍号为出家趙州至千餘人詔出
家者須落髮為僧乃聽免役○志百三十一
食貨上六 ○志百三十二 食貨下一 ○志
三十三 食貨下二 太平興國更
鑄太平通寶淳化改鑄又親書淳化元寶作真
行草三體後改元更鑄皆曰元寶而以年号至
是改元寶文當曰寶元元寶仁宗特命以皇宗

通寶為文慶曆以後因以年號如舊○志百三
十四 食貨下三 鹽之類有二引池而成者
曰顆鹽周官所謂鹽鹽也齊南海鹽井齊南鹽而成
者曰末鹽周官所謂散鹽也宋自制平諸國
天下鹽利皆歸縣官齊南通商隨州郡所宜然
亦廢革不常而尤重私販之禁○志百三十五
食貨下四 貧家以鹽比藥○志百三十六
食貨下五 宋權茶之制擇要會之地曰江陵
府曰真州曰海州曰蕩陽軍曰鄭州口為權貨務
六云 ○志百三十七 食貨下六 ○志百三

十八 食貨下七 酒宋酤之法諸州城內皆
置務釀酒縣鎮鄉間或許民釀而定其歲課○
阮治凡金銀銅鐵鉛錫監冶場務二百有一金
產監饒歙撫四州南安軍產鳳建桂陽三州有
三監云云開寶三年詔曰古者不貴難得之寶
後代賦及山澤上加侵削下益彫弊每念茲事
深夜千懷未能捐金於山豈忍奪人之利云云
太宗曰他不愛寶當與衆庶共之不許東西川
並酒商稅課半輸銀帛外有司請令二分入金
景德三年詔以非土產罷之天聖中登萊採金

貨

歲益數千兩作崇命獎勵官吏宰相王曾曰保
金多則背本趨末者衆不宜誘之○香宋之經
費茶鹽礬之外惟香之為利博故以官為市為
建炎四年泉州抽買乳香一十三等八萬六千
七百八十斤石奇詔取赴權貨務打套給賣陸
路以三千斤水路以一萬斤為一綱云云
志百三十九 食貨下八 仁宗曰貨泉之利
欲流天下通有無何可算也一日內出蜀羅一
端為印朱所漬者數重因詔天下稅務毋輒污
壞商人物帛○紹興二十一年貶軍置權場

官監與以商博易淮西京西陝西權場之如之
十九年罷國信所博易二十六年罷廣州貢珠
散蠶丁蓋珠地之在廣州凡十餘接交所者水
深百尺而大珠生焉蠶往採之多為人所取
又為大魚所害至是罷之○建炎元年詔市舶
多以無用之物費國用自今有博買鴛鴦香環
瑪瑙貓兒眼睛之類皆寘于法惟宜賜臣僚象
笏犀帶選可者輸送胡人謂三百行為一婆蘭凡
船舟最大者曰獨檣載一千婆蘭次者曰牛頭
比獨檣得三之一又次曰木船曰料河通得三之

一○志百四十一 兵一 熙寧之籍天下禁軍
凡五十六萬八千六百八十八人元豐之籍六
十一萬二千二百四十三人哲宗即位四方用
兵增戍益廣○高宗開元師府諸將兵悉隸焉
建炎後諸大將兵寢盛因時制變屯無常所知
劉光世軍或在鎮江池州太平韓世忠軍或屯
江州江陰岳飛一軍或屯宜興蔣山王孝八字
軍隨張浚入蜀吳玠兵多屯鳳州大散關和尚
原是時合內外大軍十九萬四千餘川陝不與
焉及楊沂中將中軍總宿衛江東劉光世淮東

韓世忠湖北岳飛湖南平壤四軍共十九萬一
千六百亦未嘗有屯○志百四十一 兵二○
志百四十二 兵三 老病者便放收農內契
丹渤海日本外國人恐無依倚特与收充本軍
剽員○志百四十三 兵四 鄉兵者選自戶
籍或土民應募在所團結訓練以為防守之兵
也 遇敵則瓦解星散○志百四十四 兵五
○志百四十五 兵六 保甲熙寧初王安石
變募兵而行保甲帝從其議三年始聯比其民
以相保任乃詔畿內之民十家為一保選主戶

有幹力者一人為保長五十家為一大保選一
人為大保長十大保為一都保選為眾所服者
為都保正又一人為之副 元豐八年哲宗
嗣位知陳州司馬光上疏乞罷保甲曰兵出民
間雖云古法然古者八百家統出甲士三人步
卒七十二人閑民甚多三時務農一時講武不
妨嫁穡自兩司馬以上皆選賢士大夫為之無
侵漁之患故卒乘輯睦動則有切令即鄉村之
民二丁取一以為保甲授以弓弩教之戰陳是
農民半為兵也云云○父老之諺曰兒曹空手

不可以入教場。非虞詔也。○古者未嘗不教民以戰而不聞其有此者。因人之情以為法也。夫緣情以推法則愈久而愈行。倚威以行令則愈嚴而愈悖。此自然之理也。獸窮則搏人窮則詐自古及今未有窮其下而能無危者也。○志百四十六。兵七。召募之制起於府衛之廢。唐末士卒疲於征伐多亡命者。梁祖令諸軍悉懸面為字以識軍號。是為長征之兵。○志百四十七。兵八。○志百四十八。兵九。訓練之制禁軍月奉五百以上。皆日習武技。三百以下或

給役。或習技。其後別募廂兵亦閱習武技。號教閱廂軍。成川廣者。田不訓練。嘉祐以後稍習焉。凡諸日習之法。以數色為節。騎兵五習。步兵四習。以其坐作進退。非施於兩軍相當者。然自宋初以來中外諸軍皆用之。○元豐元年十月詔立在京校試諸軍技藝格。等為上中下三等。步射六發而三中為一等。二中為二等。一中為三等。馬射五發。驟馬直射三矢。背射二矢。中數等如步射法。弩射自六中至二中。床子弩及砲自三中至一中為及等。並賞銀有差。槍刀并標排

手兩勝負計所勝等賞其弓弩墜落或縱矢不及
及珊或挽弓破體或局而不張或矢不滿或弩
嘔不上牙或獲不發或身倒足落並為不合格
卽射已中賞餘箭不合格者降一等無可降者
罷之
天地五行之數不過五五陣之變
出於自然非強為之
李靖結三人為隊必有
畫星畫羽林皆以三人為隊靖深曉此非無據
也
趙禹言款自今大閱灑蕃陣隊且以
萬二千五百人為法旌旗麾幟各隨方色戰國
時大將之旗以龜為飾蓋取前列先知之義今

中軍亦宜以龜為號其八隊旗別繪天地風雲
龍虎鳥蛇天地則象其方圓風雲則狀其飛揚
龍虎則狀其翔盤之勢以備大閱樞密院以為
陣隊旗號若繪八物應士衆難辨且其間必有
無形可繪者遂詔止依方色仍異其形制令勿
雜而已
李靖曰置陣之法以結隊為先李靖
以五十人為一隊每三人自相得者結為一小
隊合三小隊為一中隊合五中隊為一大隊餘
押官隊頭副隊頭左右儻旗五人卽充五十並
相依附令聖制每一大隊令五中隊五十人為

之中隊合三小隊九人為之小隊合三人為之
亦擇心意相得者又選壯勇善槍者一人為旗
頭令自擇如已誓心相得者二人為左右德自
選勇悍者一人為引戰又選軍校一人執刀在
後為擁隊之四十五人而一長不若五人而
一長之密且以五人而一長以五十人而十長
也推之於百千萬則為長者多而統制不一也
至如周制五人為伍屬之比長五伍為兩屬之
間晉四兩為卒屬之族師五卒為旅屬黨止五
旅為師屬之州長五師為軍屬之甸卿此猶今

之軍制百人為都五都為營五營為軍十軍為
廂自廂都指揮使而下各有第級有員亦亦昔
之比長間晉族師黨止之任也李靖古花陣
法約受兵二萬人為率為七軍內虜候軍各二
千八百人取戰兵千九百人為七十六隊戰兵
內每軍弩手二百弓手三百馬軍五百跳盪四
百奇兵四百輜重每軍九百是為二千八百人
帝詢近臣曰黃帝始置八陣法敗蚩尤於涿鹿
誦葛亮造八陣圖於魚復平沙之上壘石為八
行晉桓溫見之曰常山蛇勢此即九軍陣法也

至隋韓擒虎深明其法以授其甥李靖靖以時
遇久亂將臣通曉者頗多故造六花陣以變九
軍之法使世人不能曉之大抵少陣即九軍九
軍者方陣也六花陣即七軍也七軍者圓陣也
蓋陣以圓為體方陣者因圓而外方圓陣內外
俱圓矣故以方圓物驗之則方以八包一圓以
六包一此九軍六花陣之大體也六軍者左右
虞候軍各一為二虞候軍左右廂各二為四廂
軍與中軍共為七軍八陣者加前後二軍共為
九軍開國以來置殿前馬步軍三師即中前後

軍師之別名而馬步軍都虞候是為二虞候軍
天武捧日龍神衛四廂是為四廂軍也中軍師
總制九軍即殿前都虞候專總中軍一軍之事
務是其名實與古九軍及六花陣相符而不少
差也云云曰營曰陣本出於一法特止曰營行
曰陣在奇正言之則營為正陣為奇也八軍
六軍皆大將居中大將譬則心也諸軍四體也
運其心智以身使臂以臂使指攻左則右採攻
右則左採前後亦然則軍何由敗也云云每
軍各置旗號前軍緋旗飛鳥為號後軍皂旗龜

號左軍青旗蛟為號右軍白旗虎為號中軍黃
旗神人為號又別以五色物號制招旗分旗奉
招旗則五軍以旗相應今而成陣奉分旗則五
軍以旗相應久而成隊左右前却或分藏為伏
或分出為奇皆奉旗為號○志百四十九 兵
十 遷補之制自殿前侍衛馬步軍校每遇大
禮後各以次遷謂之轉官○康定元年頒銅符
木契傳信牌銅符上篆刻曰某處發兵符下鑄
虎豹為飾而中分之右符伍左旁作虎豹頭四
左符一右旁為四竅令可勘合又以篆文相向

側刻十千字為號一甲巳二乙庚三丙辛四丁
壬五戊癸左符刻十于半字右符止刻甲巳等
兩半字右五符留京師左符降總管鈐轄知
州軍官高者掌之○志百五十一 兵十一 器
甲之制其工署則有南北作坊院有弓弩院諸
州皆有作坊皆役工匠而限其常課南北作坊
歲造塗金脊鐵甲等凡三萬二千弓弩院歲造
角弓等凡千六百五十餘萬○開寶三年五
黑漆弓弩等凡六百二十餘萬○開寶三年五
月詔京都士庶之家不得私蓄兵器 咸平三

年四月神騎副兵馬使隼倥獻槃鐵梨重十五
斤令倥試之馬上往後如飛。慶曆元年知明
楊偕道曲陽縣主簿楊格獻龍虎八陣圖及所
製神盾劈陣刀手刀鐵連槌鐵筒且言龍虎八
陣圖有奇有正有逸有止遠則射近則擊以刀
盾彼善騎雖衆見神盾之異必遠奔清然後以
驍騎夾擊無不勝者歷代用兵未有經慮及此
帝聞于崇政殿降詔獎諭其後言者以為其器
重大緩急難用之。○傳信牌其制漆木扁牌長
六寸闊三寸腹背刻字而中分之置鑿拍合可

合又穿二竅容筆墨上施紙札每臨陣則分而
持之或傳令則署其言而繫軍吏之頸彼否契
乃書後存。○志百五十一兵十二。趙守倫言
諸坊牧馬萬疋歲當生駒四千今歲止二千五
百典司失職當嚴責罰若馬百疋歲得駒七十
則加遷擢。○志百五十二乾道九年大理人李觀
善得等廿二人至橫山岩求市馬知邕州姚恪
盛陳金帛誇示之其人大喜出一文書稱利貞
二年十二月約束年以馬來所求文選五經國
語三史初學記及醫教等書恪厚遺遣之而亦

教上聞也。嶺南自產小駟，足直十餘千，與淮湖所出無異。大槿連西戎，故多馬。雖互市于廣南，其實猶西馬也。每擇其良，起三衙，餘以付江上諸軍。○志百五十二。刑法一。夫天有五氣，以育萬物，木德以生，金德以殺，之甚，斃矣。而始終之序相成之道也。先王有刑罰，以糾其民，則必溫慈惠和以行之，蓋裁之以義，推之以仁，則震懼救戮之感，非求民之死，所以求其生也。○宋法制因唐律，令格式而隨時損益。建隆初，詔判大槿音，實儀詔與新定刑統三十卷，並頒

天下。法出於道，人能體道，則立法足以盡事。又曰：禁於未然之謂救，禁於已然之謂治。設於此以待彼之謂格，使彼效之之謂式。○天下甫定，刑典弛廢，吏不明習律令，牧守又多武人，率意用法。全州防禦使仇超等坐故入死罪，除名流海島。自是人知奉法矣。開法二年五月，帝以暑氣方盛，深念縲繫之苦，乃下詔兩京諸州令長吏督獄掾五日一檢視，洒掃獄戶，洗滌桎械，貧不能自存者給飲食，病者給醫藥，輕繫即時決遣，毋淹滯。自是每仲夏申勅官吏歲以為

常鞠獄遺限友可斷不斬事小而禁繫者有司
駁奏之開封女子李嘗擊堂聞教自言無兒息
身且病一旦死家業無所付詔本府隨所教裁
置之李無它親獨有父有司囚繫李又請登聞
訢父被繫帝駭曰此事豈當禁繫輦轂之下尚
或如此天下至廣安得無枉濫乎朕恨不能親
決四方之獄口志百五十三刑法二死德
伐蜀之後有軍大校割民妻乳而殺之太祖召
平嗣數其罪近臣營救頗切帝曰朕興師伐罪
婦人何辜而殘忍至此斬之仁宗曰天下皆

吾子也一遇饑饉州縣不能振恤饑莩所迫遂
至多盜又捕而殺之不之甚至仁宗時卓州
民劉玉文為平德毆死德更救出私殺德以獲
父讎帝義之決杖編管元豐元年清明民王贊
父為人毆死贊幼未能復讐義冠刺讐斷支首
祭父墓自首論當斬帝以殺讐祭父又自斃
罪其情可矜詔貸死刺配鄰州口志百五十四
刑法三漢高入閩悉除秦法與民約法三章
耳所謂殺人者死實居其首司馬光有言殺人
者不死雖堯舜不能以致治斯言可謂至當矣

曰志百五十五 藝文一 宋有天下先後三
百餘年。考其治化之污隆風氣之離合。雖不足
以擬倫三代。然其時君汲汲於道。藝輔治之臣
莫不以經術為先務。學士搢紳先生談道德性
命之學。不絕于口。豈不彬彬乎進於周之文哉。
宋之不競。或以為文勝之弊。遂歸咎焉。此以功
利為言。未必知道有之論也。周顯德中始有
經籍刻板。學者無筆札之勞。獲觀古人全書。口
國步艱難。軍旅之身。日不暇給。而君臣上下未
嘗頃刻不以文學為務。大而朝廷。微而草野。其

所制所講。說記述賦詠。劬成卷帙。祭而數之。有
非前代之所及也。雖其間鈔裂大道。疵贊聖謨。
幽怪恍惚。瑣碎支離。有所不免。然而瑕瑜相取。
雅鄭各趨。譬之萬派歸海。四瀆可分。繁星麗天。
五曜綿可。誠求約於博。則有要者存焉。 倣前
述分經史子集四類。而條列之。大凡為書九千
八百十九部。十一萬九千九百七十二卷。口易
類二百十三部。一千七百四十卷。口書類六十
部。八百二卷。口詩類八十二部。一千一百二十
卷。口禮類一百十三部。一千三百九十九卷。口

樂類一百一十一部一千七卷。春秋類二百四十部二千七百九十九卷。存經類二十六部三十五卷。論語類七十三部五百七十九卷。經解類五十八部七百五十三卷。十學類二百六部一千五百七十二卷。凡經類一千三百四部一萬三千六百八卷。

志百五十六。藝文二。史類。正史類五十七部四千四百七十三卷。編年類一百五十一部一萬五百七十五卷。別史類一百二十三部二千二百十八卷。史鈔類七十四部一

凡史類二千一百四十七部四萬三千一百九卷

千三百二十四卷。故事類一百九十八部二千九十四卷。職官類五十六部五百七十八卷。傳記類四百一部一千九百六十四卷。志百五十七。藝文三。史類。儀注類一百七十一部三百零四卷。三十八卷。刑法類二百二十一部七千九百五十五卷。目錄類六十八部六百七卷。譜牒類一百十部四百三十七卷。地理類四百七部五千一百九十六卷。霸史類四十四部四百九十八卷。志百五十八。藝文四。子類。儒家類一百

六十九部一千二百三十四卷口道家附釋氏
神仙類凡七百十七部二千五百二十四卷口
法家類十部九十九卷口名家類五部八卷口
墨家類一部十五卷口縱橫家類三部四十六
卷口農家類一百七部四百二十三卷口雜家
類一百六十八部一千五百二十三卷

志百五十九 藝文五 子類口小說類三百
五十九部一千八百六十六卷口天文類一百
三十九部五百三十一卷口五行類八百五十
三部二千四卷口著龜類三十五部一

百卷

志百六十 藝文六 子類口曆算類一百六
十五部五百九十八卷口兵書類三百四十七
部一千九百五十六卷口雜藝術類一百十六
部二百二十七卷口類事類三百七部一萬一
千三百九十三卷口醫書類五百九部三千三
百二十七卷 凡子類三千九百九十九部二
萬八千二百九十卷

志百六十一 藝文七 集類口楚辭十二部
一百四卷口別集類一千八百二十四部二萬

三千六百四卷

志百六十二 藝文八 集類口總集類四百

三十丑部一萬六百五十七卷口文史類九十


八部六百卷 凡集類二千三百六十九部三

萬四千九百六十五卷

[Faint bleed-through text from the reverse side of the page]

[Faint bleed-through text from the reverse side of the page]

[Faint bleed-through text from the reverse side of the page]



國立公文書館
藏書印

Blank lined area for text on the right page of the book.

